

寶雲經卷第一

草

梁林南三藏房陀羅仙譯

如是我聞一時佛在伽耶山頂與大比丘僧七萬人俱所作已辦捨諸重擔其心自在盡諸有結正見解脫皆如大龍善解法界是法王子能捨利養善具出家善受具戒意所欲者志得滿足住涅槃道唯除阿難在於學地諸大菩薩八万四千人俱皆是一生補處向一切智無有退轉志求佛地近於彼岸得阿僧祇諸陀羅尼速得諸禪首楞嚴三昧遊戲神通大慈大悲遍滿十方乃至無量无边佛土行空境界除諸蓋障盡三毒根善遊无相室宅恒欲救濟一切衆生善知諸佛世界得無尋智心如虛空深廣如海猶如須弥八風不動心如蓮華不著塵水意如真寶内外明徹如淨真金中无瑕穢其名曰寶光菩薩寶掌菩薩寶印手菩薩寶天冠菩薩寶鬘菩薩寶積菩薩寶藏菩薩寶山頂菩薩寶幢菩薩金剛胎菩薩金胎菩薩

寶雲經第一卷 第二卷 第三卷
菩薩胎菩薩功德胎菩薩淨无垢胎菩薩如來胎菩薩智胎菩薩日胎菩薩三昧胎菩薩蓮華胎菩薩解脫月菩薩普月菩薩觀世音菩薩普賢菩薩普眼菩薩蓮花眼菩薩大眼菩薩普威儀菩薩普端嚴菩薩普行菩薩知定意菩薩法意菩薩勝意菩薩增長意菩薩金剛意菩薩師子神通菩薩大音聲王菩薩師子吼意菩薩深音聲菩薩无染污菩薩離一切垢菩薩月光菩薩日光菩薩智光菩薩智切德菩薩月切德菩薩蓮花切德菩薩寶切德菩薩文殊師利菩薩跋陀婆羅等十六賢士賢劫千菩薩摩訶薩等弥勒軍為上首四天王諸天等四天王軍為上首切利諸天等帝釋軍為上首焰摩天焰摩天王軍為上首兜率陀天兜率天王軍為上首化樂諸天化樂天王軍為上首他化自在諸天他化自在天王軍為上首善黨諸天薩陀軍為上首一切諸梵天王大梵軍為上首首陀會諸天摩醯首羅軍為上首毗摩質多羅阿修羅

寶雲經第一卷 第二卷 第三卷
王婆稚阿修羅王羅睺阿修羅王等無量百千億阿修羅王阿那婆達多龍王摩那斯龍王安伽羅龍王難陀龍王和修吉龍王德叉迦龍王如是等百千億諸龍及諸龍子諸龍綵女如是等百千万億衆天龍夜叉乳闍婆阿修羅迦樓羅緊那羅摩睺羅伽人非人等百千億衆皆來集會於伽耶山頂方四由旬微塵針鋒虛空及地大衆充滿悉敷師子座莊嚴光顯高一由旬嚴餅第一廣半由旬八千天衣遍布其地上地志平正變為金剛懸諸繒幡香汁灑地无量天花遍滿在中其座左右生諸蓮花大如車輪百千万葉真金為莖皆以紺琉璃為臺因陀羅為璫香潔適意觸時使樂如是妙花以供養佛彼師子座於其四角各生寶樹高十五里其樹蔭蓋及半由旬如是莊嚴師子之座佛坐其上心意清淨善轉法輪降伏魔怨不為八法之所汙染得无所畏智辯无滯心无怯弱猶如師子意行清淨如明冽池深廣如海能出衆寶

猶如須彌處於大海如日盛明照於一切如月盛滿悉令清淨雨大法雨

寶雲經第一卷 第四品 華

元

如彼龍王震衆高顯如大梵天元量弟子悉皆調順元量釋梵四天王等瞻仰觀佛心元高下能令大衆溫光如日衆寶莊嚴今時世尊身色熙怡如日溫照一切大衆如寶莊嚴頂上放光名曰周遍普照百千世界元量諸光以為眷屬俱照十方遠佛三市光從口入而口無異相辟如淨月明照虛空然於虛空亦元異相光從口入亦復如是辟如沙聚蘇油注中不見增損佛光入口亦復如是

今時東方過元量恒河沙世界有國名蓮花自在彼世界有佛名蓮花眼如來應供正遍知明行足善逝世間解无上士調御丈夫天人師佛世尊為諸菩薩說一乘法彼國元有聲聞辟支佛名時諸衆生皆得阿鞞跋致趣向阿耨多羅三藐三菩提此諸衆生元有揣食唯有法喜憚悅等食彼國雖有日月星辰不以為明唯有佛光照於彼土元有山林株杪荆棘地

平如掌彼有菩薩摩訶薩名除一切蓋障聞其名者一切罪障皆悉除滅

寶雲經第一卷 第五品 華

元

時除蓋障菩薩摩訶薩蒙光觸身即詣蓮華眼佛所頭面著地為佛作禮却住一面坐蓮花上復有元量菩薩亦蒙光明往詣佛所頭面著地頂禮佛足却坐一面除蓋障菩薩從坐而起整其衣服偏袒右肩右膝著地合掌向佛而白佛言世尊以何因緣有斯光明遇斯光者心意快樂如是之光從何而未蓮花眼佛答言善男子西方有世界名娑婆佛号曰釋迦牟尼如來應供正遍知明行足善逝世間解无上士調御丈夫天人師佛世尊聞彼佛名皆得阿鞞跋致如是之光彼佛所放除蓋障菩薩復白佛言世尊以何因緣聞彼佛名皆得阿鞞跋致趣向阿耨多羅三藐三菩提蓮華眼佛復告除蓋障菩薩言彼佛行菩薩道時發大誓願若我成佛聞其名者皆發阿耨多羅三藐三菩提心得阿鞞跋致除蓋障菩薩復白佛言世尊若聞彼佛名皆發阿

耨多羅三藐三菩提得阿鞞跋致者彼國衆生皆已得不蓮華眼佛答言

寶雲經第一卷 第六品 華

元

善男子有得不得除蓋障菩薩復白佛言世尊彼國衆生可不聞耶蓮華眼佛答言善男子亦得聞名除蓋障菩薩白佛言世尊如其聞者云何有得不得蓮華眼佛答言善男子彼國衆生悉是阿鞞跋致亦非阿鞞跋致除蓋障菩薩白佛言世尊云何悉是阿鞞跋致亦非阿鞞跋致蓮花眼佛答言善男子聞彼佛名者雖得阿鞞跋致種子因緣不具行未滿足不得受記善男子我今為汝說喻辟如種樹有其種子離於腐敗具足生牙因緣當言為生為不生耶除蓋障菩薩白佛言世尊是名為生蓮華眼佛答言善男子聞佛名者得其種子具足因緣便得受記除蓋障菩薩摩訶薩白佛言世尊我欲往娑婆世界禮拜恭敬釋迦牟尼佛蓮華眼佛即便答言善男子今正是時可往禮拜彼諸菩薩白佛言世尊我等亦當隨從除蓋障菩薩往詣娑婆世界禮拜恭敬尊重讚歎

蓮華眼佛告諸菩薩言今正是時可往詣彼莫生下劣放逸之心何以故彼界衆生多諸貪欲瞋恚愚癡不肯恭敬沙門婆羅門好作非法心意荒弊惡口罵詈俱悞難調慳貪嫉妬慳怠懶惰放逸破戒元量煩惱之所縛纏於惡生中而為說法今時彼諸菩薩自佛言世尊釋迦牟尼佛甚為希有能於彼惡世界衆生中而為說法蓮華眼佛答言善男子彼佛世尊實為希有如汝所言常慶惡衆生中而為說法彼惡世界能起一念善心者此亦難有何以故清淨世界衆生守信修善不難惡世界中於彈指頃發生信心歸依佛法僧於彈指頃能修持戒於彈指頃生離欲心於彈指頃生於慈悲發阿耨多羅三藐三菩提心此則甚難諸菩薩白佛言希有世尊希有善逝今時諸菩薩除蓋障菩薩摩訶薩最為上首今時除蓋障菩薩摩訶薩并諸菩薩受佛教已歡喜踊躍頂禮佛足各還本坐此諸菩薩有賣寶樹華果具足有賣琉璃樹者有賣頗梨

樹者有賣金樹者有賣衆寶樹者有賣華樹者有賣果樹者有賣衣雲者有賣環玕瓔珞者有賣香雲者有賣華鬘雲者有賣寶蓋雲者有賣寶幢幡雲者有賣音樂雲者皆集除蓋障菩薩摩訶薩所共詣娑婆世界除蓋障菩薩摩訶薩告衆菩薩言彼娑婆世界衆生多受苦惱汝等各各現神通力令彼衆生使得快樂時諸菩薩皆言唯然今時除蓋障菩薩摩訶薩以神通力身出光明清淨元垢遍照娑婆三千大千世界此光能照地獄餓鬼畜生閻羅王趣諸苦惱者蒙光觸身身受快樂貪欲瞋恚忿令除滅慈心相向猶如父母三千大千世界諸閻羅王日月諸光所不及處以菩薩光故皆得相見三千大千世界鐵圍山大鐵圍山目真隣陀山摩訶目真隣陀山及諸餘山幽冥之處悉蒙光照上及梵天下至阿鼻地獄如是中間光明普照又諸菩薩皆放身光蒙其光者餓者得食渴者得飲裸者得衣貧者得財盲者能視聾者

能聽瘖者能言聾者能行狂者得正苦者得樂諸懷孕者令安隱產當今之時衆苦悉除共諸菩薩俱時而到伽耶山頂寶網彌覆三千大千世界於虛空中蓮華雲雨蓮華妙果雲雨妙果華鬘雲雨華鬘香雲雨香白疊雲雨白疊末香雲雨末香衣服雲雨衣服寶蓋雲雨寶蓋寶幢雲雨寶幢寶幡雲雨寶幡如是衆雲隨種而雨兩觸身時柔軟快樂今時伽耶山坑坎堆阜自然平坦諸山樹木變為寶林亦作栴檀沉水及諸香樹周遍嚴飾百千天樂於虛空中不鼓自鳴諸樂音中俱出偈頌

生於林毗羅不由結業有擬特元有比我今札於彼心平如虛空至於伽耶山我今歸寂妙无上勝菩提坐於道樹下始悟於正覺拍地以為證魔怨皆退散我今到伽耶稽首无垢尊世間皆幻化亦如沫泡炎虛誑如水月法相亦如是我今來至此敬札正智樹辟如伎藝人能現諸權變諸法若千種辟如天馬紅稽首札不動功德之伏藏我今從彼來

訂定經第一卷 第十張 草 五

敬礼无上尊 深起大悲心 无量百千劫
修於戒定慧 積集諸善業 我今從彼來
礼於淨月面 百千億菩薩 无量諸天衆
皆從彼而來 為礼除闇尊 獲得法伏藏
慈悲為衆演 能作利益者 寂是无等尊
我今從彼來 稽首於正覺 慈悲濟衆生
寂靜而憐憫 蓮華不著水 煩惱不染心
我今來歸命 礼此寂勝德 清淨身无垢
衆相開花敷 八十好為果 世間得依怙
我今從彼來 稽首於寶樹 具无量枝條
我等悉供養

今時尊者目連從坐而起長跪合掌
偏袒右肩白佛言世尊我今不見其
形而聞衆妙偈頌

佛告目連東方過此无量恒河沙佛
土蓮華世界有佛名為蓮華淨眼今現
在彼為大衆說法彼有菩薩摩訶薩
名除蓋障復有無量百千億菩薩皆
來至此娑婆世界為欲礼拜恭敬於
我至心聽法故彼諸菩薩造此偈頌
佛語以訖彼諸菩薩即到佛前除蓋
障菩薩摩訶薩取為上首皆共頭面
頂礼佛足却住一面合掌向佛以偈

讚曰

訂定經第一卷 第十張 草 五

歸命大名稱 具足智慧者 歸命大精進
寂勝牟尼尊 能拔於三有 越渡煩惱岸
神光照世間 歸命无等尊 四方蒙光照
周遍悉解脫 歸命无等稱 不動如山王
深廣如大海 智慧无有量 一切諸外道
无能擾亂者 我今稽首礼 歸命於法三
第一寂滅道 无生亦无滅 體相如涅槃
歸依說法王 能轉法輪者 顯現於正道
安住於真諦 開演於涅槃 而授菩提記
善知於法相 及以煩惱性 如說而修行
觀察於律儀 貪欲諸瞋恚 元量心垢穢
一切諸塵障 於菩提樹下 智火悉燒盡
濟度於衆生 自度亦度彼 生死曠野中
勉濟諸衆生 長寢於重昏 三有之獄縛
勸令早覺悟 趣向歸依處 當為作親友
究竟不放逸 隨從而來者 皆住於菩提
為欲聽正法 願時而解說
今時除蓋障菩薩摩訶薩偈讚佛已
佛告諸菩薩各還本坐除蓋障菩薩
摩訶薩及諸菩薩皆坐蓮華臺上除
蓋障菩薩摩訶薩從坐而起整其衣
服偏袒右肩右膝著地合掌向佛而

訂定經第一卷 第十張 草 五

白佛言世尊欲有所問唯願聽許佛
即荅言若有疑者隨汝所問我當為
汝分別解說除蓋障菩薩白佛言世
尊云何菩薩具足於施具足於戒具
足於忍具足於精進具足於禪定具足於智
慧具足方便具足於願具足於力具
足於智云何菩薩與地等云何菩薩
與水等云何菩薩與火等云何菩薩
與虚空等云何菩薩如月云何菩薩
如日云何菩薩如師子云何菩薩為
善調云何菩薩為善御云何菩薩如
蓮華云何菩薩得大意云何菩薩得
淨意云何菩薩得无疑網云何菩
薩甚深如大海云何菩薩得微細智
云何菩薩得隨順辯云何菩薩得无
盡辯云何菩薩得淨辯云何菩薩能
令衆生得少欲知足云何菩薩得隨
應辯云何菩薩作法師云何菩薩得
隨順法云何菩薩得善解法界云何
菩薩行空境界云何菩薩行无相境
界云何菩薩行无願境界云何菩薩
行慈云何菩薩行悲云何菩薩行喜
云何菩薩行捨云何菩薩得遊戲神

通云何菩薩得離八難處云何菩薩
 得不忘菩提心云何菩薩得宿命智
 云何菩薩得不離善知識云何菩薩
 得離惡知識云何菩薩得佛清淨身
 云何菩薩得金剛身云何菩薩得大
 商主云何菩薩得善知識諸道云何菩
 薩得不顛倒道云何菩薩常得定
 心云何菩薩得真掃衣云何菩薩得
 三衣云何菩薩得旃衣云何菩薩得
 七食法云何菩薩得一坐食法云何
 菩薩得一受食法云何菩薩得非食後
 食云何菩薩得阿練若行云何菩薩
 得樹下坐云何菩薩得露地坐云何
 菩薩在塚間行云何菩薩常坐不卧
 云何菩薩能隨敷坐云何菩薩善知
 教授禪法云何菩薩能持修多羅云
 何菩薩能持律藏云何菩薩能持威
 儀云何菩薩善知可行處云何菩薩
 善知修行法云何菩薩除於貪嫉云
 何菩薩於一切衆生能起等心云何
 菩薩善知供養如來云何菩薩除於
 憍慢云何菩薩善得信敬心云何菩
 薩善解第一義諦云何菩薩善知十

二因緣云何菩薩善知已體相云何
 菩薩善知世間相云何菩薩生淨佛
 國土云何菩薩處胎不汙云何菩薩
 捨家出家云何菩薩得清淨命云何
 菩薩心不憚惱云何菩薩善隨佛教
 云何菩薩常和顏語捨離瞋感云何
 菩薩具足多聞云何菩薩善持正法
 云何菩薩作法王子云何菩薩為四
 天王帝釋梵天之所供養云何菩薩
 知他體相云何菩薩善知成熟衆生
 云何菩薩善修柔和行云何菩薩共
 住安樂云何菩薩善修四攝法云何
 菩薩得威儀端正云何菩薩善為衆
 生作依憑處云何菩薩喻如藥樹云
 何菩薩常修諸善云何菩薩善作變
 化云何菩薩摩訶薩速成阿耨多羅
 三藐三菩提
 佛告除蓋障菩薩摩訶薩善哉善哉
 善男子汝欲利益天人拔濟一切衆
 生故發是問我今當為汝說除蓋障
 菩薩摩訶薩自佛言善哉世尊願時
 演說佛即告善男子我今當說汝
 等諦聽菩薩成就十法能具足檀何

等為十法施具足无畏施具足財施
 具足不望報施具足憐愍施具足不
 輕心施具足尊重施具足恭敬承事
 施具足不求有施具足清淨施具足
 善男子云何名菩薩法施具足无怖
 望心自受持法為人演說不求利養
 不為名譽為除一切衆生過惡不為
 於利心无高下平等說法若為王若
 王等旃陀羅等說法等无差別不以此
 施貢高憍慢若能如是是名菩薩法施
 具足云何名菩薩无畏施具足菩薩
 自離刀杖亦教人離刀杖於一切衆
 生生父母想男女想親友想何以故
 佛說一切衆生從无始劫来無非父
 母男女菩薩常於微細中捨身而與
 况復餘大衆生是名菩薩无畏施具
 足云何名菩薩財施具足菩薩見衆生
 多作諸惡便積聚財寶而施與之令
 離惡業安置善處又聞佛世尊作如
 是說檀是菩薩能除慳貪嫉妬之垢
 如佛所說習行於施不以施故而心
 自高是名菩薩財施滿足云何名菩
 薩不望報施具足不為得眷屬故施

寶雲經卷第十張

光

不為得親友故施不為欲故施菩薩作是念施菩薩淨戒是常行法以是因緣故是名菩薩不望報施具足云何名菩薩成就憐愍施具足菩薩見眾生飢渴受苦裸形弊衣无所依怙无歸無趣无居住處離於福業便生殷重憐愍之心我今為苦眾生故發阿耨多羅三藐三菩提心但以眾生輪轉受苦裸形弊衣无怙無歸无趣飢寒困苦我當何時為是眾生作衣服飲食乃至歸依舍宅現有財物志施與之雖作是施而不生念存有我人財物等想如是施者是名菩薩憐愍施具足云何名菩薩不輕心施具足不分別施等大悲施不輕心施心不憚惜施不瞋忿施不憍逸施不為得名稱施不為我能多聞故施如是之施名為專心施尊重施恭敬施自手施如此等施是名菩薩不輕心施具足云何名菩薩承事施具足若同梵行可尊事者若和上阿闍梨等如是之人深生殷重起迎合掌瞻仰恭敬若有所作躬代營佐如是施者是名

寶雲經卷第十張

光

菩薩承事施具足云何名菩薩恭敬施具足供養佛供養法供養僧香華伎樂遶如來塔塗掃拂地若諸塔廟朽故崩落修治嚴飾如是名為恭敬佛恭敬法者聽法讀誦受持書寫解說思惟其義如法修行不顛倒取義是名恭敬法恭敬僧者衣服飲食卧具湯藥種種雜物供給所須奉施於僧乃至貧下元所有時當用淨水敬心持施如此施者名恭敬僧施若能如是供養三寶是名菩薩恭敬施具足云何名菩薩不求有施具足菩薩施時不生是念我當生天亦不生念我當為王及諸輔相大臣官屬是名菩薩不求有施具足云何名菩薩清淨施具足菩薩諦觀此施无垢無穢无雜如是施者是名菩薩清淨施具足善男子具此十事是名菩薩具足於檀善男子菩薩復有十法名成就淨戒何等為十善學波羅提木叉戒善持菩薩緘密戒滅諸煩惱除不善覺怖畏惡業於小罪中尚生驚怖心常恐畏受持頭陀法堅固不闕持戒

寶雲經卷第十張

光

不為求有造業淨三業戒云何名菩薩善學波羅提木叉戒菩薩於戒律諸經是佛所制皆專心受持不為種族故持戒不為我見故持戒不為攝徒眾故持戒不見他瑕缺而輕毀戒是名菩薩善持波羅提木叉戒云何名菩薩善持緘密戒菩薩作是念非但波羅提木叉戒能使我成阿耨多羅三藐三菩提諸餘菩薩威儀戒行我亦當學如法修行云何是菩薩戒菩薩不應行處終不往來非時不語善知時節善知方俗順適人心不令眾生起於讎嫌善護眾生令至菩提亦自具足菩提威儀言辭柔軟少於言說不好親近大臣群官恒修阿練若行和顏悅色能具如是菩薩威儀戒及餘經中諸菩薩戒悉具修行是名菩薩密緘戒云何名菩薩滅一切結使皆悉離然貪欲瞋恚愚癡及餘纏障一切眾具亦皆離然於貪欲處生對治法能起欲處皆悉除斷云何是貪欲處於美色邊能起欲因緣云何名不淨想如觀已身髮毛小齒皮

膏血肉筋脉骨髓汗淚涕唾肪膏腦膜咽喉心膽肝肺脾腎腸胃百脉生藏熟藏屎尿膿汁菩薩常觀三十六物若能如是不生貪心若愚癡嬰兒顛狂心亂見是三十六物猶不起欲想况復智者諸菩薩等常觀是不淨云何當復起於欲想菩薩摩訶薩見所受色適意之時便生染心初見色時即自念言如佛所說色如夢響元有實事云何智者妄於夢中而生欲想是故菩薩能生欲處悉皆遠離云何菩薩於可瞋中生對治法而能離瞋及瞋因緣菩薩於諸眾生常生慈心以是因緣便得除瞋若有惱害因緣瞋起時當深繫念對治之法是名菩薩除瞋方便云何菩薩除癡方便當念癡心不識善惡常守愚闇後受苦果无智自蔽惱他緣少不如貪瞋多有怨害如是觀時則滅癡心是名菩薩熾然煩惱云何名菩薩除不善覺住於空靜阿練若處作如是念我今遠離於憒鬧處在閑靜地履行佛教諸餘沙門婆羅門親近憒鬧多

寶雲經

有擾亂遠離佛教是名菩薩除不善覺云何名菩薩怖畏惡業觀察選擇曾聞佛說專心修福堅持淨戒善學智慧以何因故取得勝報具福德業遠離諸惡是名菩薩怖畏惡業云何名菩薩畏於微惡於小罪過常生大畏心終不輕微小之惡以何因緣曾聞佛說少毒煞人況復多毒微細惡中尚能將人至三惡道况復多惡而心不畏是名菩薩畏微小惡云何名菩薩心常恐畏為人體信婆羅門刹利居士等以體信故即寄金銀種種珍寶信心用付不立時證菩薩終不生於隱匿之心若佛物法物僧祇物四方僧物菩薩當自食已肉終不侵他若飲若食供身之具不敢輒毀是名菩薩心常恐畏云何名菩薩受持頭陀法堅固不開若魔眷屬及諸天等以妙財色欲來擾逼菩薩菩薩即時志固不動而心不毀是名菩薩受持頭陀法堅固不開云何名菩薩持戒不為求有造業菩薩持戒不求世間果報但為滿足一切善法得无

上道是名菩薩持戒不為求有造業云何名菩薩淨於三業云何淨身業離煞盜淫以是義故名為淨身業云何淨於口業離惡口妄言兩舌綺語是故名為淨於口業云何淨於意業除貪瞋癡邪見是名淨於意業是名為菩薩淨於三業善男子具此十事是名菩薩成就淨戒善男子菩薩摩訶薩復有十法能淨於忍何等為十內忍外忍法忍隨佛教忍无方所忍修處忍非所為忍不逼惱忍悲心忍捨願忍云何名菩薩內忍菩薩飢渴寒熱憂悲疼痛身心楚切能自忍受不為苦惱是名菩薩內忍云何名菩薩外忍菩薩從他聞惡言罵詈毀辱誹謗或毀辱父母兄弟姊妹眷屬和上阿闍梨師徒同學或聞毀佛法僧有如是種種毀訾菩薩忍辱不生瞋恚是名菩薩外忍云何名菩薩法忍佛於諸經說微妙義諸法寂靜諸法寂滅如涅槃相不驚不怖菩薩作是念言我若不解是經不知是法終不得阿耨多羅三藐三

寶金經第一卷 第五張 第...

菩提是故菩薩勤求諮問請誦是名
菩薩法忍云何名菩薩隨佛教忍菩
薩瞋惱毒心起時作是思惟此身從
何而生從何而滅從我生者何者是
我從彼生者何者是彼法相如是從
何因緣起菩薩作是思惟時不見所
從生亦不見所緣起亦不見從我生亦
不見從彼起亦不見從因緣生作是
思惟亦不瞋亦不惱亦不毒瞋怒之
心即便減少是名菩薩隨佛教忍云
何名菩薩无方所忍或有夜忍晝不
忍或晝忍夜不忍或彼方忍此方不
忍或此方忍彼方不忍或知識邊忍
不知識邊不忍或不知識邊忍知識邊
不忍菩薩不介於一切時一切方常
生忍心是名菩薩无方所忍云何名
菩薩修處處忍有人於父母師長夫
妻男女大小内外如是中生忍餘則
不忍菩薩忍則不如是如父母邊
生忍旃陀羅邊生忍亦介是名菩薩
修處處忍云何名菩薩非所為忍不
以事故生忍不以利故生忍不以畏
故生忍不以受他恩故生忍不以相

寶金經第一卷 第五張 第...

親友故生忍不以愧故生忍菩薩
常修於忍是名菩薩非所為忍善男
子云何名菩薩不逼惱忍若瞋因緣
煩惱未起不名為忍若遇瞋因緣時
拳打刀杖手脚蹴踏惡口罵詈於如
是中心不動者則名為忍菩薩若有
人來起發瞋恚亦忍不起發瞋恚亦
忍是名菩薩不逼惱忍云何名菩薩
悲心忍今時菩薩若作王若王等有
大切業為苦眾生而作其主是苦眾
生若來罵辱觸惱之時菩薩不以為
是主故而生瞋恚如是眾生我當拔
濟常為擁護云何而得生於瞋恚是
故我今悲心憐愍不生忿恚是名菩
薩悲心忍云何名菩薩誓願忍菩薩
作是念我先於諸佛前曾作師子吼
發誓願言我當成佛於一切生死淤
泥中為拔諸苦眾生我今欲拔不應
瞋恚而惱於彼若我不忍尚不自度
况利眾生善男子譬如良醫善知治
眼見諸眾生生多有患目或患眼翳或
患眼膜種種患眼不可稱計是醫若
言我欲療治眾生生眼患彼時醫師後

寶金經第一卷 第五張 第...

自盲冥佛言如此醫師能治他眼不
除蓋障菩薩摩訶薩白佛言不也世
尊佛告除蓋障菩薩摩訶薩欲除二
切眾生成明冥者應先自除闇障後
及於人若內无智慧能治他疾是義
不然以是因緣當修於忍不應生瞋
是名菩薩大誓願忍善男子具此十
事是名菩薩能淨於忍善男子菩薩
復有十法名為精進滿足何等為十
如金剛精進元等精進處中精進顯
勝精進熾盛精進常恒精進清淨精
進不共二乘精進不輕賤精進不退
轉精進云何菩薩如金剛精進未解
者令解未涅槃者令得涅槃未安者
令安未度者令度未得阿耨多羅三
藐三菩提者當令得阿耨多羅三藐
三菩提若作如是修行精進時天魔
波旬來謂菩薩言汝今何故作如是
精進徒自勤苦終无所獲何以故我
亦曾作如是精進未解者令解未涅
槃者令得涅槃未安者令安未度者
令度未得阿耨多羅三藐三菩提者
當令得如是等事皆是妄語但誑

凡愚無有真實我未曾見如是精進而得阿耨多羅三藐三菩提者善男子我曾見元量眾生如是精進有得阿羅漢涅槃如是精進有得辟支佛涅槃魔王復言善男子雖行精進未有得阿耨多羅三藐三菩提汝今思惟疾捨是心空無所獲徒自勞苦汝今速求二乘可得早離生死苦薩即作是念此是魔說欲壞我心汝但少事而自憂已莫為多事及憂我耶隨所造業各得受報依止於業業為親友汝亦有此隨業受報依止於業業為親屬惡魔波旬汝今速疾復道還去汝惱我故當長夜受苦魔即慙愧隱形而去是名菩薩如金剛精進魔不能壞云何名菩薩元等精進今時菩薩所行精進超諸菩薩百千萬億等數譬喻所不能及況餘聲聞二乘學者而能及乎一切諸佛善法以精進力故能攝取一切惡法無不捨離是則名為元等精進云何名菩薩處中精進勤不過分亦不懈怠如是精進名為處中精進云何名菩薩高勝

精進菩薩發大精進願使現身如佛色相若我得佛無見頂相圓光一尋佛之相好元等智慧大自在者願我念得是名高勝精進云何名菩薩熾盛精進譬如真金摩尼珠寶元有垢穢光明熾盛端嚴殊顯真金精曜無量焰熾摩尼寶珠煥然炳徹菩薩精進亦復如是無諸垢穢何者是精進垢何者是精進翳翳是精進垢懶惰是精進翳食不知足是精進垢貪嗜睡眠是精進翳好樂親近是精進垢不見元我是精進障如是名為精進垢精進障除如是垢障是名菩薩熾盛精進善男子云何名菩薩常恒精進舉動威儀不離精進行住坐卧不曾休廢身心不亂是名菩薩常恒精進云何名菩薩清淨精進如上常恒精進有所起惡不善之業能障道法能作棄損皆悉除斷一切善法於涅槃因不作障身能助道法安止道處皆悉修廣增長熾盛乃至微細一念之惡不令得起况復大惡是名菩薩清淨精進云何名菩薩不共二乘精

進菩薩摩訶薩周遍十方如恒河沙數世界滿中阿鼻地獄猛火熾盛如此世界外有極苦眾生无依無救乃至若一眾生如是苦惱菩薩能忍大火過无量恒河沙世界拔濟成熟一眾受苦為一尚况多眾生而不救濟一切外道二乘學人所不能及是名菩薩不共二乘精進云何名菩薩不自輕賤精進菩薩作是思惟三世諸佛皆從微少精進修無量德乃能久積苦行成等正覺是故我今因少精進漸殖德本不久亦應得佛不疑是名菩薩不自輕賤精進云何名菩薩不退轉精進菩薩不以己身精進微薄不以貧窮又少財寶而生捨心常修精進向阿耨多羅三藐三菩提過去未來現在三世諸佛皆以積善微細精進念得菩提我今不以微賤而自輕毀以微精進故為一切眾生積集眾善成阿耨多羅三藐三菩提不為己樂而入涅槃寧為眾生久處地獄是名菩薩不退轉精進善男子具此十事是名菩薩滿足精進

寶雲經卷第一

癸卯歲高麗國大藏都監奉
勅彫造

寶雲經卷第二

梁扶南三藏法師畢仙譯

三

善男子若菩薩摩訶薩復有十法名具
禪波羅蜜何等為十多集福德深厭
諸惡能勤精進具於多聞不顛倒解
解法向法利根聰明有純善心善解
定智不著禪相云何名為多集福德
久於大乘積集善根在所生處常護
持善戒遇善知識世世恒生種族剎
利大姓婆羅門大家居士生處恒生
正見家增長善法憶所修善方便不
捨常不離善知識菩薩諸佛漸漸增
長觀察諸法世間大苦常為災患之
所逼惱無有暫停長為眾苦无明所
盲皆因受欲欲為根本我今不應同
於凡夫親近於欲欲者諸佛世尊說
從妄想生无量因緣毀訾過患辭如
以木貫人心腎欲如利戟欲如劒刃
欲如毒蛇欲如鋒焰欲如膿爛不可
觸近欲如聚沫欲如熱焰欲如幻化
欲如夢想欲為不淨令人臭穢欲如
熟癰欲如腐敗爛肉作如是厭惡欲

想剷除瞋駭捨離產業出家學道被
服法衣而作沙門正法出家信家非
家出家學道發大精進未得善法者
能令使得未得智者能令得智未得
證者當令得證如是因如是緣以是
事故即得多聞於世諦第一義諦悉
能宣說善知世諦即第一義諦善知
不顛倒法如法體相何者是善知法相
正見正志正語正業正命正方便正
念正定得見正道利根轉勝心常在
道以利根故多生厭惡遠離大眾憤
鬧之處遠離欲覺貪瞋邪見殘害之
心遠離眷屬遠離名聞利養遠離一
切身心常念自觀察已心為念善不
善无記若念善應念勝善念勝善者
心生歡喜起發信樂云何是勝善心
三十七品云何是三十七品四念處
四正勤四如意足五根五力七覺分
八正道法是名勝善是真道支心猶
不善極生厭惡多作觀察勤行方便斷
於不善何等不善貪欲瞋恚愚癡貪
欲有三種上中下何者是上貪欲欲
心遍身正見衰損離欲心少離於慙

愧云何離慙愧心若攝身靜念獨處
林野余時思惟欲覺增長熾盛貴於
欲覺讚歎欲覺以欲覺故作是思惟
時无有愧心云何無慙以欲覺故作欲
因緣於父母所生慙恨語於尊重慶
而无畏難亦不著愧自現有德以是
欲故命終之時墮於惡趣是名上欲
云何名為中欲若受欲已心生厭離或
起悔心是名中欲云何名為下欲若
摩觸之時欲想即息或共言語雖有
染想生念即滅或見欲時欲想亦息
是名下欲欲者一切衣服飲食供身
之具患名為欲瞋患亦有三種上中
下何者為上瞋若惱彼時深生忿怒
或作五逆或五逆中作一一逆或誹
謗正法等如是之罪非竿數譬喻之
所能及身壞命終墮大地獄受罪餘
報得生人中膚體黑瘦兩目皆赤志
逞常怒多懷擾害以是義故名為上
瞋云何名為中瞋所作諸惡速疾變
悔即脩對治之法是名中瞋云何名
為下瞋或出惡言或起譏訶或集微
惡業或時時起發尋生對治是名下

瞋惡癡亦有三種上中下何者為上
癡作惡不悔不生慙愧心无厭時如
是名為上癡云何名為中癡身作惡
時尋生憂悔於同梵行邊發露懺悔
不顯已德是名中癡云何名為下癡
依如未所制非性重罪少有所犯是
故名為下癡若薩摩訶薩善心起時
能迴貪瞋癡能除欲愛能除欲樂能
除欲著以善心故今欲不起云何名
為無記心此心起時不緣外不緣內
不緣善不緣不善不從定不從智如
從眠起目視不了不緣善惡名為无
記若无記心生時菩薩方便自察發
起善心令生歡喜安住於善是名菩
薩得於善心以善心故觀察一切諸
法如幻如夢如熱時焰如呼聲響此
是善法此非善法此法跡垂此法不
跡垂菩薩摩訶薩觀於一切法發起
善心以法為想心為先導當善持其
心調順其心善持諸法調伏諸法見
正法已以是緣故便得寂定心為境
界以心繫心漸入寂定以心住心正住
三昧心寂定故便能專一心專一故

次第無間得定心故心常寂靜心寂
靜故心生喜樂便除欲愛諸惡不善
有覺有觀定生喜樂成就初禪无覺
少觀定生喜樂成就二禪除喜得樂
念捨得第三禪離喜捨行捨心得第
四禪除我見離憂喜捨苦樂淨念捨
行四禪一切解脫離色相如虛空眾
生心相虛空相等作一解脫觀以是
故色相滅空相生憫壞相已滅无邊
虛空相成從無邊虛空相以次觀識
識無邊故虛空相滅觀識漸損乃
至少識名為不用復觀此識若有
若无是名非想非非想處滅諸想受
是名滅定菩薩雖入滅定而不捨教
化眾生亦不永樂滅定以為寂靜不
捨滅定而能慈悲普覆眾生於滅定
中乃至起悲喜捨心亦復如是菩薩
今時便獲五神通而不以十二門禪
五神通等以為自足方求上法阿耨
多羅三藐三菩提莊嚴之具功德滿
足善男子具此十事是名菩薩具禪
波羅蜜
善男子菩薩復有十法名為智慧滿

寶雲經第二卷 第六張 草

足何等為十具無我善善解業報善解有為法善解生死相續不絕善解生死出要之法善解聲聞辟支二乘之法善解摩訶衍善解遮魔業智慧不顛倒智慧元等智慧善男子云何具无我善善善以智觀察色受想行識觀色不生不起不見起因受亦不生不起不見起因想亦不生不起不見起因行亦不生不起不見起因識亦不生不起不見起因滅亦不生不起不見起因第一義諦亦不見不生不起世諦第一義諦但有假名而无實體雖知諸法虛寂而不捨於精進深矜一切衆生如救頭然如救衣裳然勤修方便不憚不捨為一切衆生故而求阿耨多羅三藐三菩提果莊嚴具足是名菩薩無我善根云何名菩薩善知業報善善選擇觀察一切衆生皆如幻相如軋闍婆城水中之月體性空寂一切衆生染著我見及我所見以是因緣不見正道衆生作如是想若無我无人無衆生无壽命无丈夫者若悉皆无誰受善惡六趣

寶雲經第二卷 第七張 草

差別菩薩摩訶薩雖知業報不斷非常而受不捨是名菩薩善知業報云何名菩薩善知有為而不取有為相如實正見知有為法迅速不停念念流動猶華上露如山澗水駛流赴下間無暫息亦如沙鹵无有牢固何有智者當生樂著而惡親愛見有為法如是之相云何智者而生憂悲以是因緣深樂涅槃厭惡生死是名菩薩善知有為法云何名菩薩善解生死流轉菩薩觀察一切衆生無明所盲漂流生死恒為愛網諸結所縛以是因緣故受以受故造善惡業以業因緣故有有因緣故生生因緣故死憂悲苦惱衆苦聚集生死流轉不為上下猶如火輪是故菩薩正觀生死如實而知是名菩薩善解生死流轉云何名菩薩善解生死出要之法無無明則无行無行則无識無識則无名色无名色則无六入無六入則无觸無觸則无受無受則无愛无愛則無取无取則無有有則元生無生則無老死憂悲苦惱衆苦聚集菩薩以如實知

寶雲經第二卷 第八張 草

見十二因緣是名菩薩善解生死出要之法云何名菩薩善解聲聞辟支二乘之法菩薩觀察如此法時成須陀洹成斯陀含成阿那含成阿羅漢斷諸結漏得成辟支佛成辟支佛已如犀一角善解聲聞辟支佛法而不取證何以故我攝受一切衆生故作師子吼而作是言我當拔一切衆生曠野生死之苦以是故我今不應獨出生死是名菩薩善解聲聞辟支佛法云何名菩薩善解摩訶衍法菩薩善學一切諸法而不得諸法相善修學道而不得是道相不見能行者不見所行法亦不見所至到處以是因緣相貌而不墮於斷見是名菩薩善解摩訶衍云何名菩薩善知遮魔業智慧菩薩善知不親近惡知識亦不至惡國而常遠離世俗談話不樂親近諸餘非法不求利養亦於此法不生欣樂一切結使能障菩提者悉皆遠離善知對治法是名菩薩善知遮魔業智慧云何名菩薩不顛倒智慧善學世諦第一義諦及諸經論善學世

間難論為成熟眾生故雖廣開多門而不為於顯已功德但為成熟眾生雖明知世典而常尊佛法以為寂勝終不染於外道邪見是名菩薩不顛倒智慧云何名菩薩元等智慧不見若天若人沙門婆羅門諸外道與菩薩智慧等者除諸如來世尊等正覺餘天人阿修羅無有能及菩薩智者是名菩薩元等智慧善男子具此十事是名菩薩滿足智慧

善男子菩薩復有十法名滿足方便何等為十善解方便迴向善迴外道諸見善迴五塵善除疑悔善救護眾生善知眾生濟命善受供養善移聲聞辟人二乘學者入於大乘善知示教利喜善知供養恭敬云何名菩薩善解方便迴向一切所有若花若果若香若香樹若寶若寶樹若疊若疊樹一切空澤曠野無主非我所諸物盡皆盡三時夜三時迴心施佛以是善根迴向阿耨多羅三藐三菩提於修多羅經中讚歎供養三寶之處深生隨喜十方世界一切菩薩及諸眾生若起一念

善根身心隨喜悲皆迴向香花供養諸佛形像塔廟以是善根願令一切眾生悉除破戒非法臭穢當使一切眾生皆得諸佛戒香之身若有掃塔塗地願使一切眾生悉得端正莊嚴之具若以花蓋供養佛塔願一切眾生除煩惱熱若入僧坊塔寺願一切眾生入涅槃城若出塔寺願一切眾生永離生死若開門時願一切眾生開善趣門若閉門時願一切眾生閉惡趣門若欲坐時願一切眾生當坐道場若欲起時願一切眾生於煩惱淤泥忘令起出若右脇卧時願一切眾生得右脇卧若著衣時願一切眾生著輕暖衣若捉鉢時願一切眾生滿足佛法若欲食時願一切眾生得法食若大小便利時願一切眾生除垢穢無煙瘴若洗手時當願眾生悉離染穢若洗脚時願一切眾生除煩惱垢若嚼楊枝時願一切眾生種種垢穢皆悉得除若身行止及舉動時願一切眾生悉得安樂若礼塔寺時願一切眾生亦皆敬礼是名菩薩

善解方便迴向云何名菩薩善迴外道諸見能令異學九十六種調伏出家欲調伏時而不貢高為作師範要先恭事現為弟子然後調伏爾諸外道所有威儀法則悉皆習學究盡勝彼令調伏已而反制之便為弟子信受其語令時便為說言汝先所學法元有難欲亦元出要乃以正道誘化其心令立佛法是名菩薩善調外道諸見云何名菩薩善迴五塵見諸眾生貪欲熾盛為化彼故現作女身端正殊妙超諸女人使彼染著即復現身變為元屍肢體臭爛眾生見者悉生驚怖即便厭惡我今云何疾得遠離臭穢之身菩薩令時即復本形而說法要皆令堅固元上道心是名菩薩善迴五塵云何名菩薩善除疑悔若見眾生作五逆罪及餘諸惡菩薩即語眾生言汝今何為愁苦如是彼人答言我作五逆罪愁憂悔恨捨此身已當久受苦惱長夜衰損元有義利菩薩為現神變適其心念令彼信服便生信敬愛樂菩薩又復化作父母而

寶雲經卷第二 第十卷 華

加逆害彼作是念菩薩神足威力无量猶害父母况我愚癡而能不作菩薩若言我真汝伴同作逆罪菩薩便為說種種法令彼逆罪即得輕微猶如蚊翅是名菩薩善除疑悔云何名菩薩善能救拔眾生菩薩觀彼眾生堪為法器而造諸惡菩薩即為現形種種說法應現王身得度者即現王等身應現刹利身得度者即現刹利身應現婆羅門身得度者即現婆羅門身應現天身得度者即現天身應現金剛力士身得度者即現金剛力士身應現恐怖身得度者即現恐怖身應現繫閉鞭打驚怖身得度者即現繫閉鞭打驚怖身應現親友愛樂身得度者即現親友愛樂身所應見者皆為現之是名菩薩善能救拔眾生云何名菩薩善知眾生濟命菩薩摩訶薩見眾生無所堪任不識正法惟知貪欲飲食衣服更無餘求菩薩令時為示竿數譬方種種伎術如是善者皆令學習悲令不乏衣服飲食是名菩薩善知眾生濟命云何名菩薩善

寶雲經卷第二 第十卷 華
解受供菩薩

今時得大寶聚如須弥山志能受之若得少施微毫縷綫亦皆受用菩薩以何緣故大小皆受見眾生慳貪嫉妬无有施心又見眾生出沒生死如水中魚浮沈眾生漂溺巨海為作利益令使快樂受財寶已為供養佛法僧給施窮乏隨所施度而為說法皆發阿耨多羅三藐三菩提心是名菩薩善解受供云何名菩薩善能移於二乘入於大乘菩薩見眾生堪任大器乃至作聲聞辟支佛二乘精進勤修苦行今時菩薩令住大乘及其徒眾志皆令轉捨於小心為繼佛種不斷三寶故是名菩薩移於二乘安住大乘云何名菩薩善能示教利喜未發菩提心者能令發心慳怠懶惰者令勤精進若以少善而自足者方便發起今具諸善若有虧損少戒生大障導而心遠離一切諸善者菩薩即為說法令其歡喜具修戒行是名菩薩善能示教利喜云何名菩薩善能恭敬供養三寶出家菩薩少欲知足不

寶雲經卷第二 第十卷 華
積財實難

積財實難以法施為利今時在閑靜處獨坐思惟我今何為不作供養佛想即自思惟種種運心供養諸佛如是思惟已便能具足六度云何具足六度以種種供養而具檀波羅蜜恒與一切眾生善是名尸波羅蜜歡喜忍樂是名羼提波羅蜜心身不慙是名毗梨耶波羅蜜專心不散是名禪波羅蜜莊嚴眾行皆志具足是名般若波羅蜜菩薩如是靜處思惟時能具六波羅蜜是名菩薩善解恭敬供養三寶善男子具此十事是名菩薩具足方便
善男子菩薩復有十法名方便發願何等為十不作卑下發願不畏生死發願出過一切眾生發願一切諸佛讚歎發願能摧伏一切魔發願不為他教故發願无边發願不恐畏發願元憂發願具足發願云何名菩薩不作卑下發願菩薩摩訶薩不為三有受樂故發願是名菩薩不作卑下發願云何名菩薩不畏生死發願不求二乘不為厭惡生死不為滅除生死故發

願是名菩薩不畏生死發願云何名菩薩出過一切衆生發願菩薩願使一切四生衆生悉成菩提如般涅槃而我或入涅槃或不入涅槃是名菩薩出過一切衆生發願云何名菩薩一切諸佛讚歎發願菩薩發願我化一切衆生皆發阿耨多羅三藐三菩提心行菩薩道乃至坐於道場我當勸請令轉法輪佛若入涅槃我當勸請令久住世利益衆生是名菩薩一切諸佛讚歎發願云何名菩薩摧伏一切諸魔發願菩薩願使一切衆生成佛時國土不聞惡魔名字是名菩薩摧伏一切諸魔發願云何名菩薩不為他教故發願終不受他教故發阿耨多羅三藐三菩提心自以智慧觀察世界衆生受无量苦為拔濟故發阿耨多羅三藐三菩提心是名菩薩不為他教故發願云何名菩薩無邊發願菩薩不為方所少緣發願菩薩整其衣服右膝著地叉手合掌心生厭惡於十方一切世界所有菩薩若坐道場勤修苦行初成佛者轉法輪者

當悲觀衆生見我心勸請隨喜願轉法輪一切十方菩薩從初發意行六波羅蜜皆作无量難行苦行乃至坐於道場降魔成佛及轉法輪於此一善心我皆隨喜發阿耨多羅三藐三菩提心是名菩薩無邊發願云何名菩薩不恐畏發願菩薩從初發心聞深妙法不生驚畏聞佛本行无量功德不生驚畏聞菩薩深遠遊戲神通不生驚畏聞菩薩深遠善權方便不生驚畏菩薩作是念佛菩提元量無邊世界元量無邊佛所成熟衆生無量無邊非我智力之所能知惟佛與佛乃能究竟是名菩薩不恐畏發願云何名菩薩元憂發願菩薩見諸衆生癡癡無慧目懷懷難調不可降伏破戒懶惰衆生惡具為如此等深起厭心求生淨土願令我等不聞如是諸惡之名當行慈悲智慧具足菩薩發心便作是念一切世界中少智衆生愚癡瘡啞無涅槃分不生信心者而為一切諸佛菩薩之所棄捨如此衆生我皆調伏乃至坐於道場得阿耨

多羅三藐三菩提發此心時一切魔宮悉皆震動十方諸佛發聲讚歎莊嚴淨土速成正覺是名菩薩無憂發願云何名菩薩具足發願菩薩發心指願降魔成阿耨多羅三藐三菩提是名菩薩具足發願辭如油鉢若已平滿更投一涕終不復受菩薩成佛衆願滿足亦復如是更無減少一塵之願善男子具此十事是名菩薩方便具足發願

善男子菩薩復有十法名力具足何等為十人不輕力不為他所伏力具福業力具智慧力具徒衆力得神通力自在之力陀羅尼力菩薩定持不可動力所言無二力云何名菩薩人不輕力一切外道聲聞二乘无能過者一切衆生亦元有與菩薩力等者是名菩薩人不輕力云何名菩薩具福業力無有世間出世間所修之福功德莊嚴能與菩薩力齊等者是名菩薩具福業力云何名菩薩具智慧力菩薩智力有所舉動於前後際元有錯謬是名菩薩具智慧力云何名

寶雲經第二卷 第十六

菩薩具徒衆力菩薩徒衆不壞正見
無毀威儀常修淨命所攝大眾皆同
菩薩正直之行是名菩薩具徒衆力
云何名菩薩具神通力菩薩以世俗
五通勝於聲聞二乘五通能以一塵
容閭浮提及四天下或千世界或二
千世界或三千大千世界乃至恒河
沙等三千大千世界而微塵不增世
界不減其中衆生亦不迫近元覺知
想不相妨碍是名菩薩具神通力云
何名菩薩得自在力菩薩有自在力
欲使三千大千世界種種珍寶遍滿
其中即如其意是名菩薩自在之力
云何名菩薩得陀羅尼力菩薩若聞
元量無邊諸佛說法異聞異字能於
一念種種音聲悉皆受持思惟修行
是名菩薩陀羅尼力云何名菩薩定
持无戲動力一切衆生无能擾壞令
其心亂是名菩薩定持不戲動力云
何名菩薩所言无二力菩薩心思後
言口無二語惟除方便利益之說是
名菩薩言无二力若有記別終不錯
謬一切衆生所有智慧无能出過菩

寶雲經第二卷 第十九

薩之者善男子具此十事是名菩薩
得力具足

善男子菩薩復有十法名具足智何
等為十知人無我智具足知法無我
智具足遍知諸方智具足善知禪定
境界處所具足智持具足无等智具
足善知衆生根行智具足无作智具足
善知一切法相智具足善知出世間智
具足云何名菩薩知人无我觀五陰
不堅無牢固虛妄无真實乃至滅謝
亦不見有去菩薩作是念此五陰元
我元衆生無壽命无養育无人凡夫
愚人謂實有我故妄取我想猶如鬼
魅妖異所著衆生妄計亦復如是或
陰即是我我即是陰或陰是我我所我
所是陰著虛妄我不見真實於生死
中如旋火輪虛妄无實菩薩如實能
知是名菩薩知人无我具足云何名
菩薩觀法无我知如實相見生見滅
知一切物猶如假借但有名用假施
設生无有實體假施設法亦不斷不
常但從緣而生從緣而滅菩薩如實
而知諸法真實是名觀法無我具足

寶雲經第二卷 第二十一

云何名菩薩一切處遍知一切處遍
知者非一剎那中知非一剎那中不
知非此方知彼方不知而能普於十
方得无尋智是名菩薩一切處遍知
云何名菩薩善知禪定境界處所知
聲聞定知辟支佛定知菩薩定知諸
佛定如是諸定皆患了知聲聞二乘
但知自分境界餘則不知菩薩定者
知己境界兼知二乘及如來禪定究
竟定相以佛力故亦悉能知是名菩
薩善知禪定境界處所知云何名菩薩
智持具足菩薩善知聲聞持辟支佛
持菩薩持况餘衆生而不能知是名
菩薩智持具足云何名菩薩无等智
具足一切外道二乘諸智无有能及
菩薩智者惟除如來一切種智是名
菩薩无等智具足云何名菩薩善知
衆生根行具足菩薩能以淨无尋智
遍觀世界有衆生能生菩提有衆生不
能生菩提有衆生滿足菩提有衆生
不滿足菩提有衆生住於初地乃至
住於十地有衆生坐於道場有成正覺
有轉法輪乃至入般涅槃有聲聞乘

涅槃有辟支佛乘涅槃有生善趣者
有生惡趣者是名菩薩善知衆生根
行具足云何名菩薩無作智具足於
四威儀行住坐卧念念無作心恒成
就譬如有人於出入息乃至睡眠常
無所作菩薩如是心无思惟亦非造
作而無尋智自然成就是名菩薩无
作智具足云何名菩薩善知一切法
相具足了達諸法皆同一相云何一
相皆盡空相如幻相虛妄相是名菩
薩善知一切法相具足云何名菩薩
善知出世間智具足菩薩知无漏智
出一切世間諸智是名菩薩出世間
智具足善男子具此十事是名菩薩
得一切智滿足善男子菩薩復有十
法名得地三昧何等為十如地廣大
無邊如地一切衆生依止存濟如地
於一切衆生悉有育養之恩終不計
恩如地普能容受諸大雲雨能為一
切衆生依止住處能生善種及一切
種如大寶器能出一切大樂不可傾
動不驚不畏云何名菩薩如地廣大无
邊周匝十方無邊无量菩薩亦具德

智慧莊嚴願行无邊無量是名菩薩
如地廣大無邊云何名菩薩如地一
切衆生依止存濟各從所欲稱意極
給周濟无尋菩薩亦令施戒忍辱精
進禪智乃至衆具皆悉與之而心無
限尋是名菩薩如地一切衆生依止
存濟云何名菩薩有育養之恩而不望
報猶如大地等无好惡加報不欣無
亦不恨是名菩薩育養之恩而不望
報云何名菩薩如地普能容受大
法雲雨亦如大地天注雲雨普皆容
受无不堪持菩薩摩訶薩亦復如是
一切諸佛興大密雲普注法雨如其
所說悉能受持是名菩薩如地普能
容受大法雲雨云何名菩薩能為一
切衆生依止住處又如大地草木叢
林一切衆生行住坐卧皆依於地菩
薩亦令一切衆生修行善趣二乘學
法及以涅槃一切皆因菩薩而有是
名菩薩能為一切衆生依止住處云
何名菩薩善種子之所依處譬如大地
一切種子依地而生菩薩亦令一切
善業天人種子皆依菩薩而生是名

菩薩善種子之所依處云何名菩薩
如大寶器譬如大地能出衆寶是諸
寶物皆出於地菩薩摩訶薩亦復如
是功德善實一切樂果悉出菩薩是
名菩薩如大寶器云何名菩薩能出
一切大樂譬如大地出衆妙樂能治
種種諸病菩薩摩訶薩亦復如是能
出一切諸妙法藥能除一切諸煩惱
病是名菩薩能出一切大法藥器云
何名菩薩不可傾動譬如大地風不
能動繩蚘蝨蝸不能虧損菩薩摩訶
薩亦復如是一切內外諸緣逼迫不
能擾動是名菩薩不可傾動云何名
菩薩不驚不畏譬如大地師子虎狼
龍象雷電哮吼不能驚畏菩薩摩訶
薩亦復如是一切外道九十六種所
不能動是名菩薩不驚不畏善男子
具此十事是名菩薩得地三昧
善男子菩薩復有十法譬如大水何
等為十如水流注溉潤赴下能生衆
生善芽種子欣樂敬信浸潤一切煩
惱根芽如水清淨不濁除滅一切熾
熱之患能除貪欲愛心之渴深廣難

實雲經卷第二 第三 第五 第六 第七 第八 第九 第十 第十一 第十二 第十三 第十四 第十五 第十六 第十七 第十八 第十九 第二十 第二十一 第二十二 第二十三 第二十四 第二十五 第二十六 第二十七 第二十八 第二十九 第三十 第三十一 第三十二 第三十三 第三十四 第三十五 第三十六 第三十七 第三十八 第三十九 第四十 第四十一 第四十二 第四十三 第四十四 第四十五 第四十六 第四十七 第四十八 第四十九 第五十 第五十一 第五十二 第五十三 第五十四 第五十五 第五十六 第五十七 第五十八 第五十九 第六十 第六十一 第六十二 第六十三 第六十四 第六十五 第六十六 第六十七 第六十八 第六十九 第七十 第七十一 第七十二 第七十三 第七十四 第七十五 第七十六 第七十七 第七十八 第七十九 第八十 第八十一 第八十二 第八十三 第八十四 第八十五 第八十六 第八十七 第八十八 第八十九 第九十 第九十一 第九十二 第九十三 第九十四 第九十五 第九十六 第九十七 第九十八 第九十九 第一百

度如水澆溉高下皆滿能除一切諸結塵垢云何名菩薩如水流注溉潤赴下生長草木而各滋茂菩薩亦復如是以諸功德如水溉下流潤微善亦令增長是名菩薩如水流注溉潤赴下云何名菩薩能生衆生善芽種子如水能潤草木叢林悉得生長菩薩以禪定水澆潤覺意正直道支令得增長漸漸長養成一切智樹是名菩薩能生善牙種子以若干種諸佛法果利益衆生菩薩摩訶薩亦復如是以清淨法增長流潤是名菩薩能生善牙種子云何名菩薩欣樂敬信如水自濕亦能濕彼菩薩亦復如是身自恭敬信樂亦能令他恭敬信樂是名菩薩恭敬信樂云何名菩薩浸爛一切煩惱根牙辟如大水能浸草木根牙令使爛壞菩薩摩訶薩亦復如是修禪定水浸煩惱根牙令悉爛壞乃至結使習氣垢穢悉皆無餘是名菩薩浸爛一切煩惱根牙云何名菩薩如水清淨不濁水之體性常恒不濁菩薩摩訶薩亦復如是體性不

濁云何菩薩體性不濁結使貪欲瞋恚愚癡悉斷無餘善護諸根清淨如水是名菩薩如水清淨不濁云何名菩薩除滅一切熾熱之患辟如夏月以水洗浴身則清涼菩薩亦復如是能以法水除煩惱熱是名菩薩除滅一切熾熱之患云何名菩薩能除貪欲愛心之渴辟諸泉水能除人渴菩薩摩訶薩亦復如是能以法水悉除衆生五欲之渴是名菩薩能除貪欲愛心之渴云何名菩薩深廣難渡禪定智水一切衆魔及諸外道无能渡者是名菩薩深廣難度云何名菩薩如水澆溉高下皆滿菩薩亦復如是於善惡衆生以法水普潤令下苦惱是名菩薩如水澆溉高下皆滿云何名菩薩能除一切諸結塵垢菩薩以禪定水淹灑六塵諸根清淨色聲不塗是名菩薩能除一切諸結塵垢善男子具此十事是名菩薩辟如大水善男子菩薩復有十法辟如大火何等為十能燒一切結使之薪能成熟一切佛法能乾煩惱淤泥如炸火聚

如火照明能令驚怖能令安慰若有利養與衆共之為人供養人不敢輕云何名菩薩能燒一切結使之薪如火能燒草木及諸叢林菩薩亦以智慧火能燒煩惱結使叢林是名菩薩能燒一切結使之薪云何名菩薩如火能成熟一切諸物菩薩亦復如是以智慧火能成熟一切佛法堅固不壞是名菩薩成熟一切佛法云何名菩薩能乾煩惱淤泥如火能乾濕物菩薩亦能以智火乾有漏淤泥是名菩薩能乾煩惱淤泥云何名菩薩如炸火聚若人為寒所逼得火則除菩薩亦復如是見諸衆生為煩惱寒苦所逼菩薩以智慧火能令悉暖是名菩薩如炸火聚云何名菩薩如火照明辟如有人在雪山頂然大炸火周匝百里及二百里皆悉照明菩薩摩訶薩亦復如是於無明山頂然智慧火聚於百千世界皆得照明是名菩薩如火照明云何名菩薩能令驚怖辟如獐鹿虎豹見火驚恐皆悉速走若天若魔及魔眷屬見菩薩智火

威德皆悉遠走是名菩薩能令驚怖
云何名菩薩能令安慰譬如有人在
曠野黑闇中迷失方所遇見火聚便
往趣之或值聚落放牧人處得到彼
已恐怖急除心得安慰菩薩摩訶薩
亦復如是衆生於生死曠野黑闇之
中迷失方所遇見菩薩火聚而往趣
之到已煩惱怖畏急得消除是名菩
薩能令安慰云何名菩薩利養與衆
共有譬如大火能令王若王等旃陀
羅男女等悉得火煖菩薩摩訶薩亦
復如是與一切衆生王若王等旃陀
羅男女等以智慧火消煩惱水急
令得煖是名菩薩利養與衆共有云
何名菩薩為人供養譬如大火剎利
婆羅門城邑聚落悉皆供養菩薩摩
訶薩亦復如是為天人阿修羅及魔
眷屬悉皆恭敬供養如世尊像是名菩
薩為人供養云何名菩薩人不敢輕
侮如有人得一少火以能燒故心不
敢輕菩薩摩訶薩亦復如是初發一
念之善未有大力天人阿修羅及魔
眷屬无能敢輕者何以故是人不久

當坐道場成阿耨多羅三藐三菩提
是名菩薩人不取輕善男子具此十
事是名菩薩譬如大火
善男子菩薩復有十法猶如虛空何
等為十廣大无導寂滅無相无邊空
智无邊空慧廣大如法界知一切法相
如虛空一切法不住出過一切形相
出過一切思議量數善男子具此十
事是名菩薩猶如虛空
善男子菩薩復有十法心如虛空何
等為十若心所喜樂亦不著心不喜
樂亦不瞋於色聲香味觸亦不著不
瞋乃至於一切法亦不著不瞋於利
衰毀譽稱讚苦樂於此四法亦不著
不瞋善男子具此十事是名菩薩心
如虛空善男子菩薩復有十法猶如
滿月何等為十能使一切衆生得清
涼樂見者愛樂能使善法日日漸增
能令惡法日日損減如月盛滿體相
勝妙體性清淨得无上乘常自在嚴
得法喜樂乘第一乘有大神通威德
自在云何名菩薩能與一切衆生作
清涼樂如月天子初出之時悉與衆

生清淨快樂而衆樂觀心无疲厭菩
薩之月亦復如是除其煩惱鬱蒸之
熱皆令衆生得清涼樂歡喜愛樂是
名菩薩能與一切衆生作清涼樂云
何名菩薩見者愛樂如月初出衆生喜
見利喜快樂菩薩之月亦復如是初
出之時衆生喜見无不悅樂諸根寂
定如水澄清威儀具足是名菩薩見
者愛樂云何名菩薩能使善法日日
增長如月初出日日圓滿菩薩之月
亦復如是從初發心漸漸增長乃至
菩提坐道樹下功德滿足是名菩薩
能使善法日日增長云何名菩薩能
令惡法日日損減譬如黑月圓滿光
明以漸損減至月盡時光明悉滅隱
蔽不現菩薩一切衆惡次第漸滅乃
至菩提悉皆除盡是名菩薩能令惡
法日日損減云何名菩薩如月盛滿
如從月初至盛滿時衆所瞻仰剎利
婆羅門城邑聚落一切男女無不稱
讚菩薩之月亦復如是常為天人一
切衆生皆悉稱讚是名菩薩如月盛
滿云何名菩薩體相清淨如月天子

寶雲經卷第三

寶雲經卷第三

草

身相清淨是本業界報菩薩摩訶薩亦復如是無垢清淨從化而生不由父母精氣而生從法而生是名菩薩體相清淨云何名菩薩得无上乘如月天子乘於淨乘照四天下菩薩摩訶薩亦復如是乘於大乘能使无量百千万億世界衆生悉皆照明是名菩薩得无上乘云何名菩薩常自在嚴如月天子花鬘顯現菩薩摩訶薩亦復如是常以功德瓔珞而自在嚴是名菩薩常自在嚴云何名菩薩得法喜樂如月天子遊戲五欲心常樂著菩薩亦復如是遊戲諸法心常喜樂不染五欲是名菩薩得法喜樂云何名菩薩有大神通威德自在如月天子有大威德菩薩亦復如是具諸功德自在智慧神通變化隨意无碍是名菩薩有大神通善男子具此十事是名菩薩如月天子

寶雲經卷第二

癸卯歲高麗國大藏都監奉勅彫造

善男子菩薩復有十法名為如日何等為十能除無明黑闇能令信心開敷能令十方周匝皆暖能令善法生長能令有漏滅沒能作照明能使邪道異見蔽障不現能令高下丘坑悉顯能令善業皆起得起能令智者喜樂愚者增惡云何名菩薩能除元明黑闇辟如日出衆闇皆息菩薩日出能除衆生元明之闇辟如日出衆華開敷菩薩日出應受化者亦皆開敷如日出時周匝十方能令使暖菩薩日出功德智慧令十方暖不擾衆生如日將出見其明相知有日出菩薩亦復如是以智光明照諸世間衆生則知菩薩日出如日入時諸方昏冥衆物不現菩薩以智慧光入諸三昧煩惱昏冥一切結漏悉滅不現如日出時光照間浮提滅一切闇菩薩智光亦能普照如日出時譬諸小明星火之光悉不復現而日无心翳諸

寶雲經卷第三

第三

小明法相自余菩薩日出則譬諸異見群邪外道如日出時於間浮提高下好惡悉皆顯現菩薩日出時正道邪道亦各差別邪謂八邪正謂八正如日出時田夫耕農諸作悉起菩薩日出信心衆生普皆修善如日出時善人樂見好盜衆生悉惡不喜菩薩日出賢智樂見群邪外道一切不喜善男子具此十事是名菩薩如日善男子菩薩復有十法譬如師子何等為十無所畏不畏大衆去終不還能師子吼具足辯才樂處林野在於山窟摧伏大衆具勇猛力善能守護善男子云何無所畏譬如師子往還出入無所忌難何以故不見與已等故菩薩摩訶薩亦復如是周旋往返無所畏難何以故不見與已等故譬如師子不畏大衆菩薩摩訶薩亦復如是諸有大衆欲來議論不生畏難心亦不高不下譬如師子心无怯弱臨陣戰鬪而心不退直進不還菩薩亦如師子吼飛落走伏蛟魚龜鼈水性之屬潛隱水底人畜皆驚菩薩

亦亦作無我師子吼能令一切外道
野干者我見者十方驚走菩薩不欲
令彼生其驚怖但欲除彼我見心故
亦為化餘信心眾生如師子王勇猛
無畏遍觀四方心無怯弱菩薩摩訶
薩亦復如是其行純淨常諦觀察三
昧智慧辟如師子樂處林野菩薩摩
訶薩亦復如是常樂閑獨離於情鬧
又如師子樂處山窟菩薩亦樂處
禪定三昧山窟辟如師子元所結縛
菩薩摩訶薩亦復如是已悉遠離結
使重擔而行无染著辟如師子无有
伴黨能摧諸軍眾菩薩摩訶薩亦復
如是獨坐道場摧伏魔眾善男子猶
如師子近聚落住能令羣鹿不害苗
稼菩薩亦令隨住方面能令眾魔一
切外道不壞正法善男子具此十事
是名菩薩辟如師子

善男子菩薩復有十法名為善調何
等為十菩提心堅牢修治菩提守護
諸根趣向正道善持重擔為眾生故
不辭勞苦正命自活能除詭曲虛妄
之說幻惑患除心常正直善男子具

此十事是名菩薩善調

善男子菩薩復有十法名為善乘何
等為十雖行禪定恒修空相雖盡煩
惱障而常修道善順佛教而无所違
等觀諸法善解法界心常自卑如旗
陀羅善除憍慢貢高吾我見法決定
无有疑悔善察諸法得決定相善於
正道不隨他教善向菩提為世福田
善男子具此十事是名菩薩善乘

善男子菩薩復有十法辟如蓮華何
等為十其體清淨不著於水不染少
惡戒香具足修清淨行和顏悅色柔
軟不鞞見者皆吉心意調熟生已有
想云何不著如蓮華生水淤泥不染
菩薩雖生世間而不為世法所著何
以故得方便智慧故猶如蓮華水不
能染菩薩亦不為少惡之所染著
如蓮華生處香氣滿中菩薩亦令隨
所生處戒香悉滿辟如蓮華隨所住
處體性清淨剎利婆羅門城邑聚落
之所稱讚菩薩摩訶薩亦復如是戒
行清淨天人阿修羅夜叉乾闥婆迦
樓羅緊那羅摩睺羅伽人非人等之

所稱讚常為諸佛之所護念如蓮華
開敷眾皆愛樂菩薩摩訶薩亦復如
是和顏悅色諸根清淨辟如蓮華柔
軟不鞞菩薩如是體性柔軟言无麁
獷辟如蓮華常是吉相乃至夢中亦
名為吉有義有吉菩薩摩訶薩亦復
如是一切是吉究竟必得證一切智
以是義故名一切吉辟如蓮華未開
敷時不名具足華既開敷則名清淨一
具足菩薩摩訶薩亦復如是慧覺開
敷是名為佛如蓮華開敷能令眼見
快樂香氣充滿身觸柔軟心得喜悅
則意受樂菩薩摩訶薩亦復如是智
慧成熟慧光明相能令見時眼得清
淨聞時耳得清淨戒香遠聞鼻得清
淨觸身供養身得清淨思惟功德意
得清淨蓮花生時生已有想佛及菩
薩四天王等若見菩薩出時亦皆守
護生已有想善男子具此十事是名
菩薩辟如蓮華

善男子菩薩復有十法名勝大心何
等為十滿足諸波羅蜜故名勝大心
滿足一切佛法故名勝大心化一切

寶金經第三卷 第六節 第一章

衆生故名勝大心成佛道。得阿耨多羅三藐三菩提故名勝大心。初成正覺轉於法輪。若沙門婆羅門。若人若天魔梵。所不能轉及餘世間。亦不能轉而我當轉。故名勝大心。菩薩為欲利益衆生。不但於此世界。乃至無量無邊世界。悉以正法攝取衆生。故名勝大心。菩薩以智慧。為欲度此生死大海。流轉衆生。故名勝大心。衆生无救無依。无舍無主。我當親友。為作歸依。舍宅故名勝大心。欲示如來威德。自在。我當為作佛師。子吼。我當遊戲。佛之神通。欲現龍鳥威儀。視不迴顧。欲使天人一切衆生。无與等者。若魔典梵。沙門婆羅門。及阿修羅。无與等者。故名勝大心。佛大威德。所化度者。我欲度之。非凡小行。非鹿野行。非是難行。非下劣行。故名勝大心。善男子。具此十事。是名菩薩。取勝大心。善男子。菩薩復有十法。名清淨心。何等為十。體性具足。體性不動。體性質直。無虛偽。相除諸惡。行不發聲。聞心不發聲。支佛心不自為。已結使垢障。

寶金經第三卷 第六節 第二章

而修功德。少思尚憶。況復大恩。而不念報。施恩於人。而不自恃。言行相應。終不謬失。不隱已過。不譏他短。菩薩終不外現。軟語而心懷恨。亦不瞋感。瞋色。卒暴令惱衆生。自无諍心。亦不令他而起於諍。不作兩舌破壞。聞亂於人身。常恭敬。所言真實。言行相稱。作業皆善。於如來法。不說過惡。云何不說過惡。菩薩發菩提心。剷除驕驕。被著法服。如來法中。而得出家。不畏王故。出家不畏王。目故。出家不作盜賊。故出家不負債。故出家不怖畏。故出家不為邪命。故出家信心。故出家得出家。已恒求善法。親近善友。隨順善友。於善知識。所聽受善法。聞法修。行心不憍慢。終不顛倒。妄取於法。為除顛倒。令入正道。入正道已。便得正見。得正見已。去阿耨多羅三藐三菩提。不遠。善男子。具此十事。是名菩薩清淨心。善男子。菩薩復有十法。名深信。不疑。何等為十。信如來身。密信如來口。密信如來意。密信諸菩薩所行。信菩提。

寶金經第三卷 第六節 第三章

法信。於諸佛隨所起作。皆令滿足。信諸佛出生。信諸佛一乘信。諸佛深達音聲。信諸佛隨應衆生。說法云何。信如來身。密信如來法身。信如來寂滅。信如來无等無量身。信如來堅固身。信如來不壞身。信如來金剛身。從如實生。信知不虛誑。亦不生疑惑。是名信如來身。密又復思惟。聞如來口。密現前受記。密受記未發心。受記初發心。受記信諸佛。常以四依說法。信諸佛知無失信。諸佛口无失信。諸佛如上所說。言不虛妄。何以故。諸佛已盡一切過。故離一切垢。故除一切塵。无一切熱。盡諸結業。自在。无尋常寂滅。不濁不穢。澄潔清淨。若使如來有身口過。則无是處。如實不虛不妄。決了此處。不生疑惑。是名信如來口。密菩薩又作是念。聞如來意。密心有所作。皆隨智慧。聲聞緣覺。一切菩薩。則不能了。唯除如來。欲使知者。何以故。如來智海。甚深難度。不思議。故起過一切心意。表故。無量无边。與虛空界等。出過一切外道。占相卜筮。呪術所。

知心常如實。無有虛妄。復聞菩薩為衆生故。所作事業。不生疲厭。不生驚畏。志力堅實。荷負重擔。能生大欲。滿足諸波羅蜜。一切佛法。以漸而滿。其心無尋。無與等者。堅固精進。堅固莊嚴。堅固智慧。堅固擔願。不動擔願。無等。指願何以故。稱菩提相。故以漸增廣。乃至滿足。如實知之。無有虛妄。心無疑惑。云何能修。信不疑。作是念。從初發心。乃至坐於道場。得無障無導。遍知一切法。明了無礙。得天眼耳。他心宿命。如意足智。漏盡智。於一剎那頃。悉知三世。以如是智。觀衆生界。見衆生身。業不善。口業不善。意業不善。誹謗賢聖。起大邪見。亦知作邪見。因緣身壞命終。墮大地獄。觀如是衆生身。業修善。口業修善。意業修善。不誹謗賢聖。正見成就。以是因緣。身壞命終。生於天上。如是觀諸衆生。善惡差別。而作是念。我本修菩薩道時。發大擔願。若我自成菩提。亦使他成。我擔願滿足。言行真實。無有虛妄。而於此處。亦無疑惑。我聞如來。唯有一乘。此事

真實而不顛倒。無有虛妄。何以故。譬如閻浮提。多諸小渚。是諸小渚。皆依閻浮提住。亦同名閻浮提。如來一乘。亦復如是。一切諸乘。皆出大乘。是故一乘名如來大乘。亦於此中。不生疑惑。如實而知。是以菩薩信如來乘。亦曾聞如來種種說法。種種修多羅。無不真實。何以故。如來隨所化衆生。隨問何法。稱彼而答。然於此處。如實能知。信受不疑。曾聞諸佛深妙聲。此事實實。心無所惑。何以故。諸天以少修福。尚得深妙柔軟之聲。況復如來具足无量百千萬億功德。深信此處。不生疑惑。是名菩薩信於如來深遠之聲。又信如來能以一音演說諸法。隨其類根。悉除疑惑。而諸衆生。皆謂世尊獨為已說。佛以一音演說諸法。衆生隨類。亦各信解。非作想。亦非不作想。如實而知。無有虛妄。能於此處。不生疑惑。善男子。具此十事。是名菩薩深信不疑。

量次第漸深。不與煩惱同處。而寂寂滅。一相衆流。竟注皆悉。容受潮不失。時能為他人作歸依處。而無竭盡。云何菩薩是大寶藏。亦如大海。一切衆實。皆出其中。閻浮提人。悉來竟取。不能令減。菩薩亦亦猶如寶藏。無邊衆生。悉以信心。修菩薩行。功德寶藏。亦復不減。是名菩薩如大寶藏。譬如大海深廣難度。菩薩亦復如是。智慧法海。一切衆魔及諸外道。无能度者。是名菩薩深廣難度。譬如大海廣大無邊。菩薩亦亦功德智慧廣大無邊。是名菩薩猶如大海深廣無邊。譬如大海次第漸深。菩薩摩訶薩。成一切智。以漸轉深。是名菩薩猶如大海。以漸轉深。譬如大海不宿死尸。何以故。海法。余故菩薩法海。一切結漏煩惱死尸。及惡知識。亦不同宿。何以故。菩薩法。余故譬如大海衆流。注中皆同一味。菩薩摩訶薩。亦復如是。自淨善業。無量一切功德。到種智海。亦同一味。等元差別。譬如大海能容百千衆流。然其大海不增不減。菩薩亦亦聽受

寶雲經第三卷 第十張 草

一切佛法亦為衆生分別解說而無增減是名菩薩猶如大海不增不減云何譬如大海潮不過限菩薩亦復如是於所應成熟衆生亦不過限猶如大海一切大身衆生依止窟宅菩薩摩訶薩亦復如是為一切大心衆生作依止窟宅是名菩薩猶如大海依止窟宅譬如大海無有窮盡菩薩摩訶薩亦復如是為一切衆生如應說法亦無窮盡善男子具此十事是名菩薩譬如大海

知緣起及諸業相以如是微細智故於諸佛所說法悉了其義以解義故所見真實以見真實故便能度脫衆生生死善男子具此十事是名菩薩微細智
善男子菩薩復有十法得隨應辯何等為十佛如是說一切諸法元我無衆生元壽命無人無作者元知者元見者一切諸法悉如是相一切法空一切法虛妄欺誑無主一切法妄想無實皆從因緣起善男子具此十事是名菩薩隨應辯
善男子菩薩復有十法名為辯辯何等為十言論無滯語無竭盡言辭柔潤悅澤無窮不懼大衆辭不卑小辭元畏忌辭無與等者言不為他所惡言雖元量而不離四依義善男子具此十事是名菩薩辯辯
善男子菩薩復有十法名為淨辯何等為十辭元審訖辭無恐畏辭不卑劣辭不廣高義不卑小辭元闕短其聲清徹聲元闕短言則應時元有漏失辯不廣廣云何名菩薩得不審訖

寶雲經第三卷 第十四張 草

辯以元大衆威德畏故言不審訖云何名菩薩得不恐怖辯以體性正直故无所忌云何名菩薩得不卑劣辯以何因故菩薩處於大衆猶如師子無所忌難云何名菩薩辭不廣高以何因故除結使故善男子有煩惱故辭必廣高云何名菩薩義不卑小以何因故善得法故已深解法其義明了云何名菩薩辭元闕短以何因故善解諸論故若解論鮮少則言辯有闕云何名菩薩聲元闕短何以故菩薩悉解一切諸音聲故云何名菩薩知時而語若應前語不著於後若應後語亦不著前何以故菩薩善知時故云何名菩薩辯不廣廣非所喜者則不為說何以故一切口過由諸結習以斷惡故所言柔軟菩薩摩訶薩元不了辯何以故菩薩諸根已悉利故善男子諸根闕鈍故有不了辯利則不令善男子具此十事是名菩薩淨辯
善男子菩薩復有十法名樂說辯何等為十愛語不聲厭語義語法語等

語不自高語不輕他語不染語不憚觸語種種言辯善男子菩薩愛語能令眾生心生喜樂和顏悅色咸使安慰菩薩義辯能以美語令眾悅樂菩薩法辯教授利益菩薩等辯常以等心為眾生說法能令一切悉皆喜悅菩薩不自高說法除諸憍慢自是心故菩薩同事說法悅眾故菩薩不輕他說法心能專一故菩薩不染語堅持淨戒悅眾故菩薩不憚觸語以忍辱力悅眾故菩薩種種言辯能以樂說悅眾故善男子具此十事是名菩薩樂說之辯善男子菩薩復有十法名善說法能令眾生信受何等為十堪任法器者而為說法稱其根性而為說法不為識呵者說法不為外道異見者說法不為憍慢元誠心者說法不為无信心者說法不為詭詐偽者說法不為求活命者說法不為求利養慳貪嫉妬者說法不為顛狂愚癡瞞誑者說法善男子菩薩以何因故不作法慳已所得法悉與眾生令他信解不為師匠秘而不

說菩薩終不於眾生起不慈愍心亦不外於眾生但不任法器者則入捨心除蓋障菩薩自佛言世尊而此眾生若不為說者當為誰說佛言有信心者我當為說善根成熟堪任法器者當為說之於過去佛種種諸善根心不諂曲无虛偽者亦非幻惑詐現威儀者不求名聞為利養者常為善知識之所守護者有智聞之能隨信解者諸根利者聞法能行勤精進者能隨順佛教者若有如是善男子等諸佛菩薩而為說法善男子具此十事是名菩薩善能說法令眾生信受善男子菩薩復有十法名為說法法師何等為十修集佛法而能說法亦不見法而能修集亦不見法能斷結使而為說法亦不見所斷結使亦不見法厭惡離欲寂滅作如是說法亦不得厭惡亦不得離欲亦不得寂滅相得須陀洹果說法不見有須陀洹相得斯陀含果說法不見有斯陀含相得阿那含果說法不見有阿那含相得阿羅漢果說法不見有阿羅漢

相得辟支佛果說法不見有辟支佛相斷除著我說法亦不見我不見著見業果報說法亦不見業果報相何以故菩薩觀諸假名不必依法名中无法法中無名但以世俗假設名字流布世間世諦故而有假名於第一義諦觀之則无是虛妄誑惑凡夫善男子具此十事名菩薩說法法師善男子菩薩復有十法名為堅法何等為十菩薩摩訶薩雖觀色真實而不壞色相觀受想行識真實而不壞受想行識相菩薩雖觀欲界真實而不壞欲界相雖觀色界真實而不壞色界相雖觀無色界真實而不壞无色界相雖觀諸法真實而不壞諸法相雖觀諸法真實而不壞於假名眾生雖觀法虛寂而不畢竟墮於斷見雖觀諸法真實而不壞於正道菩薩以巧方便智善知有元而不取相善男子具此十事是名菩薩堅法善男子菩薩復有十法善知法界何等為十有慧依善知識能勤精進遠離陰蓋清淨恭敬多習空觀除著諸

見趣向於道所見真實善男子菩薩有慧習近善知識見善知識愛敬喜悅於善知識生世尊想依善知識住因善知識故得勤精進回善知識故能除一切惡法雖滿足一切善法而勤精進不憊除滅陰蓋已元蓋障故而勤修道得身口意業清淨除諸習惡得清淨故能恭敬供養得恭敬供養故而得空觀修空觀故除諸假名除諸假名故能向正道向正道故能見真實除蓋障菩薩白佛言世尊云何名為見真實佛即答言所見不虛名為真實除蓋障菩薩白佛言世尊云何名真實佛復答言不虛妄法名為真實除蓋障菩薩白佛言世尊云何名為不虛妄佛即答言如實非不如實名不虛妄除蓋障菩薩白佛言世尊云何名為如實佛即答言此法惟可心知難以口說非是文字所能宣釋除蓋障菩薩白佛言世尊云何法相離於文字言語道斷出過一切心所行處離諸戲論无造無作亦無彼此非籌量計校之所能及亦非

相類過於一切凡愚所見出過魔界出過一切結使處所出過一切心意識表不住寂滅賢聖處所而諸賢聖之所證知善男子具此十事是則名為究竟如實是一切智所說不思議境界不二境界除蓋障菩薩白佛言世尊是如實相云何證云何見佛告善男子出世間智乃能證見自得此法除蓋障菩薩復白佛言世尊此法體性究竟清淨非染汙法是澄靜法微妙寂勝法常住不動非敗壞法有佛元佛法性常令菩薩摩訶薩精勤修行難行苦行百千萬億難行苦行為得此法安立眾生除蓋障菩薩復白佛言世尊如是名以聞慧聞以思慧思身得證不佛言善男子不介何以故以智慧觀如實法而身得證除蓋障菩薩白佛言世尊不從聞慧聞思慧思身得證耶佛言善男子不也不以聞思慧故身能得證善男子汝今諦聽我當說喻善男子譬如春末盛熱大曠野中有人從東來欲向西有人從西來欲東過從西來者為熱所逼語彼人言

我今為熱所逼極其渴乏示我道路何處當有清涼池泉可止渴之東方來人善知塗徑善知道相即答彼云道中有好清冷美水無諸鹹苦我以於彼洗浴飲飽得來至此善男子汝欲趣彼其路眾多去此不遠便有二道一者是左道二者是右道汝今當從右道而往棄其左道去此不久當見叢林鬱茂清涼此叢林中多妙池泉眾流美味可以洗浴飲除渴之佛言善男子彼渴乏者聞水思惟時得已止渴不除蓋障菩薩白佛言不也世尊雖聞清涼而身未證知佛言善男子此亦如是不以聞思慧等便能證知實相之法大曠野者譬如生死渴乏之人是具縛凡夫煩惱熱逼便生愛渴善知道者譬如菩薩善知一切智道能飲水者譬如善得法味洗浴清涼譬如身證澄清淨潔无諸鹹苦譬如實法善男子汝今善聽我更說喻假使如來住閻浮提若壽一切說須陀味香氣勝妙甘美清淨食時受樂忘皆讚歎其味無比若使有人雖見

其色而未食者已得味不除蓋障菩薩白佛言不也世尊佛言善男子我今為汝復更說喻辟如有人曾食美味於未得者前讚歎此果色香味具彼人聞說是果時已知彼果色香味不除蓋障菩薩白佛言不也世尊佛言善男子凡夫愚人亦復如是不以聞思中慧便能證知真實法相除蓋障菩薩白佛言世尊今為我故快說此喻若得聞者不久亦當獲得法利何以故若聞此法必證阿鞞跋致當得阿耨多羅三藐三菩提佛即答言如汝所說聞此法者必證阿鞞跋致當得阿耨多羅三藐三菩提善男子具此十事是名菩薩善知法界善男子菩薩復有十法名善住空處何等為十善知力空善知無畏空善知不共法空善知戒聚空善知定聚空善知慧聚空善知解脫聚空善知解脫知見聚空善知空空善知實諦空雖知於空而不取空相不作空見不依止空不以此空因緣相續墮於斷見善男子具此十事是名菩薩善住空處

善男子菩薩復有十法名住無相何等為十除外相除內相除戲論相除一切計有相除一切境界相除一切舉動相除一切趣向處所相除一切造作相除一切識相除一切識所緣相除蓋障菩薩白佛言世尊若諸菩薩已能如是住於無相者佛住無相當復云何佛即答言如來境界不可思議何以故非智思量故若欲思者心則狂亂一切眾生盡共度量不能知於如來此彼岸事何以故如來境界深遠不可思議猶如虛空出過一切諸數量表取著見者心常顛倒故非等數之所思計除蓋障菩薩白佛言世尊欲有疑問唯願聽許善男子隨汝意問吾今當為分別解說一切諸佛亦悉聽許除蓋障菩薩白佛言世尊若著我所非智人法世尊是大法主云何當得而自稱譽佛言善哉善哉善男子諦聽諦聽當為說之除蓋障菩薩白佛言唯然世尊諸佛如來不以憍慢而自稱譽不為利養不為名聞不為使他知不虛妄自稱不諂曲

欺偽何以故但為利益一切眾生令得安樂修行法故何以故欲令眾生於如來所深生信敬心甚歡喜堪為法器者使長夜安隱獲得善利常受快樂乃至得阿耨多羅三藐三菩提除蓋障菩薩白佛言世尊眾生豈不知如來是天尊自在法王佛言善男子不知何以故下劣眾生業行卑漏少智少信常為不善諸惡所持不知如來有大威德為如此等是以如來自稱實德令彼眾生信受修行善男子譬如醫師善知醫法醫所住處多諸病苦更元餘醫能療治者是諸人等不知此醫有大威德是時良醫觀諸病者不識方藥亦復不知所不應食今時良醫起大慈悲我當療治除其病苦今時良醫於眾人前自歎已德而作是言我善知是病及知病因善知藥病隨應而授今時眾生病良醫所心生信敬以信心故即便依憑今時良醫以若干種藥隨授而與諸人服已病悉除愈善男子今時彼醫是自稱譽不除蓋障菩薩白佛言

寶雲經卷第三 第十卷

不也世尊佛言善男子如來世尊如大醫王能治衆生煩惱之病亦知煩惱所因起處以大法藥而普與之衆生愚癡為煩惱所覆不知如來是大醫王如來處處於衆生前常自歎說今時衆生便生信敬歸依如來聖主世尊猶如醫王以大法藥能滅衆生煩惱之病云何名為是大法藥貪欲者以不淨治瞋恚者以慈心治愚癡者以因緣法治如是等无量法藥恚能對治諸煩惱病善男子如來見有如是無量利故而自讚歎善男子具此十事是名菩薩住於无相

善男子菩薩復有十法名為无願何等為十雖行布施不依布施而有願求雖持禁戒亦不依禁戒而有願求忍辱精進禪定智慧亦復如是雖依三界而不願求三界相雖求菩提而不取菩提相雖行正道而不取正道相雖求涅槃而不取涅槃相何以故菩薩離一切願求相故雖行一切佛法而心常無所願求善男子具此十事是名菩薩元願

寶雲經卷第三 第十卷

善男子菩薩復有十法名修慈无量何等為十不作方所慈不隨所親慈常行法慈依定修慈不為離瞋修慈恒為利益一切衆生而起於慈常為衆生修等之慈不為離惱害修慈遍於十方普皆修慈出世間修慈具此十事是名菩薩修慈无量

善男子菩薩復有十法名悲无量何等為十見衆生無依無救无怙為苦所惱菩薩即發菩提心得如法修行獲得法已利益衆生於貪衆生教令布施破戒衆生教修持戒惱害衆生教修忍辱慍急衆生教修精進亂心衆生教修禪定愚癡衆生教修智慧若見剛強諸惡衆生不受教者而菩薩心亦不退沒雖為衆生久受諸苦志必濟彼元有疲厭善男子具此十事是名菩薩修悲无量

善男子菩薩復有十法名喜无量何等為十見諸衆生於生死熾然得離三有虛偽之主而生歡喜斷絕生死震動來往結業之索生歡喜心見生死海中魔竭惡覺水羅刹難今得遠

寶雲經卷第三 第十卷

離生死大海如是衆難生歡喜心傾倒魔幢生歡喜心以智金剛摧結使山今無塵末生歡喜心我今自得止息亦心他得止息生歡喜心我今自於生死長眠境界心得覺悟而諸衆生為愛所縛無明所盲亦當令彼悉得覺悟生歡喜心我今自得解脫離諸惡趣險難之處亦當度脫諸險惡趣險難之者生歡喜心於生死曠野六趣險路獨行無侶周迴往返不善知道不識方所我今得知正道識於方所生歡喜心我今得近一切智城隣於佛坐生歡喜心善男子具此十事是名菩薩喜心無量

善男子菩薩復有十法名捨无量何等為十眼見好色而無染著入於捨心耳聞聲鼻嗅香舌嘗味身觸細滑意知諸法如是五塵不取其相亦不惱逼常行捨心苦苦行苦壞苦於此三受心無增減而不惱逼常行捨心所作已辦盡諸有結常行捨心菩薩作是思惟我欲度之彼已自度常行捨心善男子具此十事是名菩薩捨

心無量

寶雲經第三卷 第七十六

善男子菩薩復有十法名遊戲神通何等為十現捨壽現受生現為童子種種戲笑現作出家現作苦行現向菩提樹現降魔勞怨現樂寂靜現轉法輪現入涅槃除蓋障菩薩白佛言世尊以何因緣現兜率陀天捨壽乃至現入涅槃佛答言兜率陀天捨壽五欲多生常想見菩薩於一切眾生中寂上寂勝不添五欲而身終沒能破眾生常想之病得無常想心不放逸兜率陀天多諸放逸不生恭敬信樂之心染著愛欲不受正法長夜愍戲自恣娛樂是以菩薩為欲除彼放逸心故示現捨壽今時眾生見菩薩捨壽皆除放逸生厭離心除放逸故便發阿耨多羅三藐三菩提心菩薩現度母胎多有異相亦令眾生信受其化雖度母胎為眾說法皆得阿毗跋致疾向阿耨多羅三藐三菩提若有眾生見菩薩嬰孩時善根得熟菩薩為此眾生得成熟善根故現嬰孩若有眾生見菩薩出家善根增長菩

寶雲經第三卷 第七十七

薩便為是等捨家出家若有眾生志著嚴弊菩薩現作苦行而成熟之天龍夜叉乾闥婆應見苦行成熟者即為現之而使成熟亦為調伏諸外道等無量眾生長夜發願菩薩疾趣菩提樹我當隨逐今時菩薩即便現趣菩提樹下時是眾生得阿毗跋致乃至發阿耨多羅三藐三菩提心又為眾生憐憫貢高自恃勢力菩薩為欲破彼憍慢心故現坐道場摧伏魔怨令使信伏菩薩為樂寂靜眾生增長善根故現坐道場菩薩坐道場時能使三千大千世界一切眾聲悉皆不現三千大千世界即便寂靜令樂寂靜者生希有想皆發阿耨多羅三藐三菩提心能令眾生悉得寂靜又有眾生自謂大師作一切智想不知出要道不識出世法亦不知現生後報為欲摧伏如此眾生故見堪任法器成熟眾生為是等故現成無上三菩提道誦波羅捺三轉四諦法輪又有眾生應現涅槃而成熟者為欲成熟彼眾生故現入涅槃菩薩以如是緣如是

寶雲經第三卷 第七十八

義故現坐道場乃至現入涅槃善男子具此十事是名菩薩遊戲神通善男子菩薩復有十法名離八難何等為十離惡業不善如來所制禁戒終不毀犯除於貪嫉於過去佛所種諸善根恒修福業智慧具足善知方便善知發願多厭惡心能勤精進菩薩不造惡業而入地獄雖處地獄終不受於地獄苦報所不喜者亦不能拙雖墮地獄而不久處亦復不生惱害之心菩薩志性調柔恒修十善以十善故不墮地獄菩薩不毀佛戒墮畜生中雖現畜生而不受於畜生之苦菩薩不起貪嫉墮餓鬼中雖現餓鬼而不受於餓鬼之苦菩薩終不生邪見家雖生邪見處必遇善知識何以故已於過去修諸善故亦於過去佛久殖善根故常生正見家具善因緣具善因緣故功德增廣菩薩終不諸根毀缺若根減少不任法器菩薩積德久遠修福不勌於諸形像塔寺及法僧中處處修福心常不懈以常修故諸根具足無有闕少堪為法器

寶雲經第三卷 第三段 草

菩薩終不生邊地愚駭暗啞諸惡之
處譬如白羊愚癡無智而不能識善
惡義趣不任法器亦復不識沙門婆
羅門菩薩生於中國聰慧利根有大
智見又心信樂親近有智而於善惡
善知分別堪為法器深信沙門婆羅
門何以故菩薩本修智慧力故菩薩
不生長壽夭若生長壽夭不覩佛出
世遠離道果不能成熟衆生是故菩
薩生於欲界佛出世時必當遭遇能
化衆生以何因緣善方便故菩薩終
不生於无佛世界亦不生於不聞法
處乃至不生無衆僧可供養處菩薩
生處必遇三寶何以故本誓願力故
菩薩生處必有厭惡心不憍慢而自
貢高若聞八難諸惡之處必生厭離
心不喜樂勤修精進具諸善法除滅
惡法善男子具此十事是名菩薩離
於八難

寶雲經卷第三

癸卯歲高麗國大藏都監奉
勅彫造

寶雲經卷第四

草

梁扶南三藏房陀羅仙譯

善男子菩薩摩訶薩復有十法名不
忘失菩提之心何等為十心無諂偽亦
無幻惑心常吉實澄清淨自於佛法
僧終不生疑受持佛法者亦不生疑
不生師想而怯於法除却法慳終不
作滅佛法因緣言行相應終不虛妄
受持大乘若見受持者常能恭敬於
摩訶衍以漸深入於說法者生於佛
想生善知識想善男子具此十事是
名菩薩常不忘失菩提之心

善男子菩薩復有十法能識宿命何
等為十曾多恭敬供養諸佛受持諸
佛法能淨持戒除諸疑悔除諸蓋障
多歡喜心樂於禪定常受化生得不
妄識供養佛者恒於正法常生恭敬
受持正法者亦常恭敬以是因緣能
受持法誦誦書寫廣為人說不惜身
命專為正法淨修戒行身口意業悉
皆清淨以戒清淨故心無疑悔淨持
戒故元有蓋障元蓋障故心得歡喜

寶雲經第四卷 第四段 草

心歡喜故得修禪定得修禪定故生
處清淨生處清淨故便得化生得化
生故得不妄識得不妄識故便得宿命
得宿命故能知一身二身乃至知百千
身善男子具此十事是名菩薩得宿命
智善男子菩薩復有十法得不離善知
識何等為十得不離值佛若聞佛若
憶佛得不離常聞法得不離常供養
僧得不離諸佛菩薩禮拜問訊恭敬
合掌供養等得不離多聞人值說法
人得不離聞諸波羅蜜得不離聞諸
道品覺意之法得不離聞三解脫門
得不離聞四梵當得不離聞一切種
智善男子具此十事是名菩薩得不
離善知識

善男子菩薩復有十法得遠離惡知
識何等為十遠離破戒惡知識遠離
破正見者遠離破壞威儀者遠離邪命
者遠離樂世俗言說多憒鬧者遠離
多憒急者遠離樂著生死者遠離背
菩提者遠離在家之衆遠離一切結
使菩薩雖樂遠離如是等事終不生
惱害亦不生輕毀之心菩薩作如是

念我曾聞佛說眾生性欲相染以習
近故多有所壞是故我應一切遠離
善男子具此十事是名菩薩遠離惡
知識

善男子菩薩復有十法得如來法身
何等為十等身无二身清淨无盡身
久習善身法身非笨數籌量甚深之
身不思議身寂滅身虚空身智身善
男子具此十事是名菩薩得如來法
身除蓋障菩薩白佛言世尊菩薩何
時當得如來法身滿答言善男子初
地菩薩得等身何以故初地菩薩除
一切惡身與諸菩薩同是名等身二
地菩薩得清淨身以持戒清淨故三
地菩薩得无盡身以除瞋恚害故四
地菩薩得久積一切善身以修集一
切佛法故五地菩薩得於法身以禪
定力知一切佛法故六地菩薩非世
間等數籌量所不能知身以深遠故
七地菩薩得不思議身以善方便故
八地菩薩得寂滅身善除調戲盡一
切煩惱故九地菩薩得虚空身得无
碍身遍虚空故十地菩薩得妙智身

何以故遍知一切菩薩諸地法故除
蓋障菩薩白佛言世尊菩薩法身如
來法身无差別耶佛言身无差別但
功德有異除蓋障菩薩白佛言世尊
云何身无差別功德有異佛言身名

无異何以故身口一相故而功德相
各有差別云何身中別見功德相佛
言善男子我今為汝說喻以釋此義
譬如摩尼珠皆同名摩尼此珠名雖
是一若瑩磨治鋸光則明顯心意悅
樂譬如如來身不瑩治者猶如菩薩
身如來身摩尼寶菩薩身摩尼寶如
實无異然如來摩尼寶菩薩摩尼寶
然其光明色相各異何以故如來身
摩尼寶元量滿眾生界滿虚空界清
淨離一切塵垢菩薩身摩尼寶有限
不能滿虚空界何以故有垢障故善
男子譬如月初至十五日名盛滿月後
十五日亦名為月乃至月盡皆名為月
雖月名同而明不如十五日月盛然
月法亦而如來身菩薩之身俱名為
月如月名同而實亦同然光明照曜
菩薩如來而各不同菩薩之身光明

照曜不及如來其光熾盛譬如月末
時月初之月不可相比善男子以
是故如來身菩薩身二身雖同功德
有別善男子菩薩復有十法名金剛
不壞身何等為十貪欲瞋恚愚癡不

能壞惱害憍慢著我自恃見顛倒不
能壞世八法不能壞惡道不能壞一
切苦不能壞生老病死憂悲苦惱不
能壞一切外道異見不能壞一切魔
天及魔眷屬不能壞一切聲聞辟支
佛不能壞一切欲界不能壞善男子
具此十事是名菩薩金剛不壞身
善男子菩薩復有十法名大商主何
等為十能使商人隨順言教能使商
人供養恭敬能作引導不畏諸難能
為眾人作依憑處能令人依常得活
命豐饒資糧多諸珍寶心元止足常
為前導得至一切種智大城善男子
云何名菩薩能使商人隨順言教辟
如商主善導眾商者有所說時隨
從菩薩亦亦善化眾生能令一切悉
皆隨從譬如商主為諸商人恭敬供
養菩薩商主亦復如是學元學人天

龍鬼神龍阿修羅迦樓羅人非人等亦皆悉來恭敬供養辟如商主善於曠野賊難之處能令眾伴安隱得過菩薩商主亦復如是於生死曠野煩惱賊處能將諸人安隱得過辟如商主能將諸人出於曠野令濟身命菩薩亦復如是令諸外道鉢羅婆殖尼軋陀等於生死曠野將導使出濟其軋命或有王者大臣官屬及諸眾生樂生死者亦依菩薩大商主故悉得全濟如大商主善備資糧所須珍寶能將眾人過險道已便得安隱乃到大城菩薩商主亦復如是欲至佛所多共眾伴經歷生死險遠曠野到彼岸城當修功德以自莊嚴禪定解脫悉令具足菩薩商主欲至一切種智大城具一切佛法功德珍寶辟如商主集諸珍寶元有止足菩薩亦令集法財寶元有厭足辟如商主善導眾商聰慧富勝財產巨富所有言說眾悉奉用菩薩商主亦復如是為眾導首功德元量於法自在所言元二善能將導起過險路至彼大城菩

薩商主亦復如是將導諸眾生起生死險能到涅槃種智大城善男子具此十事是名菩薩為大商主
善男子菩薩復有十法名善知道何等為十知於平道知險惡處知安隱道知不安隱處知諸奇道知諸道處知止住處所知於道相知道曲直知道出要善男子具此十事是名菩薩善知於道
善男子菩薩復有十法知道不顛倒何等為十應示大乘道度者即示大乘道不示聲聞道應示聲聞道度者即示聲聞道不示大乘道應示一切種智道得度者即示一切種智道不示聲聞道應示緣覺道得度者即示緣覺道不示一切種智道著我見眾生不為說空元我不著我見者不為說苦元常無我著二邊者不為說中道著中道者不為說二邊失心狂亂者不為說奢摩他毗婆奢那著邪道者為說正道令離結使棘刺之屬善男子具此十事是名菩薩不顛倒道
善男子菩薩復有十法名為常在禪定

何等為十觀身身念處觀受受念處觀心心念處觀法法念處阿練若處攝心而行觀於五欲攝心而行於村里營舍城邑聚落國土方所攝心而行於名聞利養攝心而行於如來所制禁戒攝心而行諸於煩惱起瞋恚憂及心諂曲攝心而行云何觀身念處攝心而行以正智慧選擇諸惡除去不善從足至頂乃至腦膜觀察諸分无我我所念念不住是敗壞法筋脉所纏臭穢可惡純集惡色如是觀察橫生身想我所之想以是因緣以是相貌諦觀身相心得自在云何觀受念處菩薩作是念觀察一切諸受悉皆是苦凡夫愚人倒生樂想愚癡无智不識苦樂賢聖之人悲觀是苦勤修方便斷除是苦亦教餘眾生如是觀受不憎不愛斷於諸受云何觀心意止觀心无常而作常想苦作樂想无我我想不淨淨想心甚猥雜如風動搖念念不住速疾變異是結使根本惡道之源常生諂曲為煩惱主亦是貪欲瞋恚愚癡因緣是一切法

宗主工匠心為前道心從緣起。知諸法心如畫師畫一切像而心不知心集諸業善惡。所由心如循環如旋火輪心如火種然三有新心能生物猶如大水觀察之者當知心相是大患本不令是心而得自在若能於心得自在者於一切法亦得自在云何觀法念處不善之法如實而知貪欲瞋恚愚癡及所依起一切惡法能修對治貪瞋癡等斷除不善觀諸善法心樂隨順繫心專念順行諸善亦教他人同己所觀云何觀於五欲攝心修行於五欲中不生喜樂亦不憎惡於色聲香味觸亦不生愛亦不憎惡於此无體相法生憎愛心便同愚癡凡夫嬰孩不善之者又世尊說若於法生愛樂亦生染著若生染著便成愚癡若生愚癡便是不識善惡以是因緣墮於惡道是故於此空法不應憎惡若憎惡者名不堪忍若不堪忍則增長恚心為阿耨梨之所呵責亦為同梵行者之所譏嫌如是觀察五欲修行正念心不染著亦不憎惡亦

教他人作如是觀云何名阿練若處攝心離亂如法修行名阿練若處名為无諍住處亦名寂滅住處此阿練若處有諸天龍鬼神他心智者善見我心是故我今不應起不善思覺斷除不善覺勤修善覺當念善覺常得增廣云何菩薩於里巷村營城邑聚落國土方所是中行住坐卧於不善處於出家所不應行處悲皆遠離何處是不應行處酤酒家姪女家王家甚博之處醉客之處歌舞伎樂之處如是種種非是出家所應到處皆志不往如是村邑聚落之處攝心而行云何於名聞利養攝心而行於得利養處欲使檀越增長福業不為貪著所得財利不作已想與一切苦惱眾生悉皆共之以是施因緣得名稱讚歎雖得名稱讚歎而不自舉不生憍慢不自憍逸如是名稱讚歎不久自滅誰有智者於无常迅速不住之法不可保信云何於中生於愛憎何有智者生已有想生憍逸心是名菩薩於名聞利養攝心而行云何菩薩於如

來所制禁戒常念修行過去諸佛履行禁戒而得成佛乃至涅槃未來諸佛亦履行禁戒而得成佛乃至涅槃現在諸佛亦履行禁戒而得成佛乃至涅槃作是觀察能持禁戒終不毀犯是名善修是名善持云何菩薩於諸煩惱塵垢蓋障能善修習攝心而行菩薩善知煩惱結使塵垢蓋障善知其因善知所因起處從是因出菩薩於結使蓋障常念攝心如是修行善男子具此十事是名菩薩常在禪定善男子菩薩復有十法名為糞掃衣何等為十以能受持終不毀壞心常卑下而不疲厭不以此事而得解脫不見其過見功德利不自高已不多聚積善持禁戒諸天親近云何受持能不毀壞菩薩有信敬心體性具足於如來所深生敬信寧捨身命不捨所受所受不動以所受堅固心能卑下以卑下故不生我慢以意卑下故便於惡賤糞掃之物取以淨洗洗以縫染心不疲厭不疲厭故常取糞掃衣亦不以小行而懷自足方進求上

法必獲前利亦不現此糞掃衣過我
常著糞掃衣乃至今世不以此衣而
為麤弊亦不作念此衣麤弊多有蚤
虱若常著者令身垢汙當念思惟著
糞掃衣有諸功德賢聖所服遠離欲
者之所修行是名聖種諸佛所讚如
來所譽以是因緣故不自稱譽不應
自高亦不下他是名戒具足戒具足
故諸天親近諸佛讚歎菩薩守護善
能觀察人非人等刹利婆羅門聚落
邑主恭敬禮拜同梵行者之所讚歎
善男子具此十事是名菩薩糞掃衣
除蓋障菩薩白佛言世尊菩薩志大
何緣樂此下劣麤弊佛答言善男子
菩薩為護眾生德力所能非諸凡愚
下劣所堪為未生煩惱作障導故佛
語除蓋障菩薩善男子汝謂如來為
是大志為是小乎除蓋障菩薩白佛
言世尊我無此辯當何能答何以故
元有能知如來量者現見如來知一
切法受糞掃衣者能制結使不見如
來有所遮制此四天下天人龍鬼皆
有卑下之志如來雖見卑下但為成

熟彼眾生故於諸眾生前讚歎頭陀
汝今當知如是因緣除蓋障菩薩白
佛言世尊為成熟眾生及新學者菩
薩遮斷結使故說此事善男子威德
力菩薩為化眾生現受糞掃衣非志
卑漏以是義故菩薩受糞掃衣
善男子菩薩復有十法名受取三衣
何等為十少欲知足不多貪求不多
積聚無積聚故離諸過患無失壞故
離諸憂惱離憂惱故離眾苦聚集離
眾苦聚集故元有愛欲無愛欲故
能盡諸漏少欲菩薩趣得為知足
之人少得而足以少欲故無多所求
離所求故無多積聚離積聚故無惱
失苦無惱失苦故元有憂愁元有憂
愁故元有苦惱元有苦惱故無有受
用元有受用故使得漏盡善男子具
此十事是名菩薩受持三衣
寶雲經卷第四

壬寅歲高麗國大藏都監奉

勅彫造

寶雲經卷第三

草

梁武帝三藏寺僧惠嚴仙譯

善男子復有十法名菩薩具旃衣何
等為十不隨染欲名為旃衣不隨瞋
故名為旃衣不隨癡故名為旃衣不
隨惱害故名為旃衣不隨貪嫉故名
為旃衣不隨憍慢吾我故名為旃衣
不為人知故名為旃衣不為名聞利
養故名為旃衣不使魔得自在故名
為旃衣心不高下故名為旃衣善男
子具此十事是名菩薩旃衣
善男子菩薩復有十法名為七食何
等為十為益眾生令得福故是以七
食次第七食好惡隨時不生悔恨少
欲知足七食得已與人共同於食好
惡不生增減不生貪著於食知量趣
向於善修集善根離諸取著云何七
食為益眾生菩薩七食見諸眾生善
根鮮少受七食法為利益眾生故若
城邑聚落到中七食繫念不捨威儀
具足若顧視時終不輕躁舉動安庠
諸根寂定諦視目前不過一尋於佛

法僧深生信敬然後乞食次第七食
心元算擇剎利婆羅門富貴之家一
向次第食足便止除惡狗新生犢母
先破禁戒墮畜生中若男若女童男
童女諸能擾惱者皆悉不往可譏嫌
處亦皆不往次第七食不得生着不
得生瞋於諸衆生不起憎愛於好於
惡其心正等少欲知足隨得多少還
至僧坊安置衣鉢至洗足處若到佛
像塔寺衆僧所恭敬供養乞食之食
分作四分一分與同梵行者第二分
與窮下乞食之者第三分與諸鬼神
第四分自供身食我今食者但念修
道不應於食而起染着亦不憍逸貪
嗜元獸作如是食為存此身濟其軀
命是故於食趣得安身不使羸之亦
不令肥何以故若身羸瘦妨廢行道
若食厚重復多睡眠為行道故於食
知節不多不少勤修精進除去懈怠
為滿菩提覺支滿菩提覺支故我見
得滅我見滅故能以身肉施於衆生
善男子具此十事是名菩薩乞食法
善男子菩薩復有十法名為一處坐

何等為十於菩提樹一坐道場降伏
魔官皆悉驚怖此處不動得出世定
此處不動得世間慧此處不動得出
世間智此處不動得空三昧此處不
動得覺一切法此處不動得八正道
此處不動得於真實此處不動得於
如實此處不動得一切種智坐善男
子一坐者即是法坐菩薩不動搖故
名為一坐善男子具此十事是名菩
薩一坐法

善男子菩薩復有十法名一受食何
等為十不貪食不染着食以言食足
一切不受蘇油黑石蜜阿摩勒汁甘
蔗汁及諸果汁時非時都不飲食見
他飲食而不生惱常一受食菩薩設
有患苦若為命難善法留難當介之
時不生疑悔作藥想服善男子具此
十事是名菩薩一受食法

善男子菩薩復有十法名為阿練若
處何等為十久習梵行善解毗尼諸
根具足具足多聞廣博多智除去我
見辟如獐鹿不肥不瘦心常默惡樂
處閑靜阿練若處云何久修梵行善

男子菩薩摩訶薩於佛法中出家學
道三業清淨淨持禁戒善知諸法善
知威儀行止之處來去坐卧盡依法
律於如來法中上中下坐教戒威儀
能教禪法如此之法已自體解不從
他受知義知出要知坐知出罪避諸
毀犯精勤修戒少有所犯譏呵懺悔
隨所犯處及以不犯志能了知若犯
重事乃至中下悉能分別受報輕重
近遠諸根具足依阿練若處所依之
處不為他惱常樂乞食往返不近不
遠近清淨水不汙不濁多諸林樹无
恐怖處花果具足遠離惡獸多諸龕
窟往返不難寂靜第一菩薩如此處
宣誦三遍夜亦三遍聲不高下善守
諸根心不散亂深信歡喜能憶偈句
善取因相除去睡眠王若王等若諸
王子婆羅門剎利及餘人民往至菩
薩阿練若處比丘唱言善來大王可
坐此處彼若坐時菩薩共坐彼若不
坐菩薩不坐彼王根若不定應當讚
歎大王善得大利王之國界多諸持
戒沙門婆羅門住王界中不為惡臣

盜賊之所惱害王若利根柔和善順
堪為法器當為種種說法若不樂種
種說法當為說五欲元常令知惡
若不樂惡當復為說諸佛有大慈
悲威德自在之所行處剎利婆羅門
邑主長者及以國人隨宜為說如是
多聞堪法器者即便為說種種之法
聞已信受心生悅樂皆令歡喜多聞
廣博故無煩惱起善修對治能除我
見故不生怖畏智辯具足故元大衆
畏勇猛無難具如是事能得阿練若
處安止而住繼心默惡樂獨靜處猶
如野鹿常在山林阿練若比丘不如
野鹿恒懷驚怖僻如野鹿見人避走
以畏死故苦薩摩訶薩亦復如是於
憤鬧處一切男女悉皆遠離何以故
令我心亂遠離定故不得默惡修於
功德復樂寂靜我今不應染近憤亂
令失定心住阿練若處善男子具此
十事是名菩薩阿練若處

樓陀蘭草之處依止而住不依枯葉
處住不依狼狽處住不依鳥糞窟處
住不依惡獸處住不依盜賊危難處
住菩薩所依止處無諸恐怖令心悅
樂善男子具此十事是名菩薩樹下
止處

善男子菩薩復有十法名為露地坐
何等為十春秋冬夏不依牆壁住亦
不依樹下住不依叢草積住不依山
掩處住不依河岸住不作障寒具不
作障風具不作障遮雨具不作遮熱
具不作障露具菩薩在於露地而身
有病形體羸弱應至僧坊便作是念
如來為遮諸結使故說於頭陀我今
雖在僧坊當斷除結使我今雖在僧
坊中不生貪著心我不為己身但為
僧坊檀越成諸功德故常作露地想
具此十事是名菩薩露地而坐

善男子菩薩復有十法名塚間坐何
等為十隨所住處多默惡心常修死
想散滅想血塗想青淤想臙臙想燒
然想解散想骨想塚間坐者常修慈
心生利益想憐愍眾生淨持禁戒威

儀不開終不食肉何以故不遠塚間
有諸非人及惡鬼神以食肉故心皆
厭惡元喜見者常作惱害塚間比丘
往至僧坊先礼佛塔却礼上坐與諸
下坐談論語說立住而去不坐僧祇
游辱何以故為護惜僧物故如凡夫
愚人鄙賤塚間設若有人施於鉢飯
請命使坐問言為是汝已有為是僧
有觀前人意不生悔心然後始坐心
生下劣如旃陀羅子善男子具此十
事是名菩薩塚間坐法

善男子菩薩復有十法名常坐不卧
何等為十不為苦身故常坐不為苦
心故常坐不為止睡故常坐不為疲
極故常坐為滿足菩提故常坐欲使
心專一故常坐欲使向正道故常坐
欲坐道場為得菩提故常坐欲利益
衆生故常坐為斷一切結使故常坐
善男子具此十事是名菩薩常坐不卧

善男子菩薩復有十法名為隨敷坐
何等為十不貪著敷故隨敷而坐不
自安敷亦不使他敷不作承相使他
敷敷若草若枯樹枝葉隨在上坐若

有鐵子蚊蚋蠅毒蝕之虞即時捨去不住於中若欲卧時右脇而卧足相疊善殺衣服不令解散若睡眠時當繫心明相作必起意不著睡眠以為喜樂右脇卧時若有疲極終不更轉左脇而卧為調和四大常不離善善男子具此十事是名為菩薩隨敷而坐法

善男子菩薩復有十法名成就禪何等為十多修不淨觀多修慈心多修十二因緣多修離過患法多修於空多修无相多修習禪多修不悔恨持戒完具善男子云何多修不淨觀菩薩獨處閑靜默然攝意默惡現前正身端坐支節完具深心喜悅結加趺坐作是思惟如人飲食美味好漿及餘麤澁是諸美味及不美味皆依此身變成不淨膿血臭穢悉皆可惡一切眾生貪嗜美味心恒樂著我今當願依佛法如實之相觀察此身不可染著亦不厭離速求涅槃是名菩薩多觀不淨云何菩薩多修慈心如上染處端身獨坐寂靜思惟眾生多

有瞋恚便生惱害作諸不善若有眾生與我等者云何來世自生怨恨如是眾生我當方便斷其瞋恚作如是念深心思惟不但口說云何菩薩多修十二因緣眾生多起貪欲瞋恚有如是等皆因緣生假使餘法一切皆從因緣而起云何智者見如是相一剎那頃從因緣法皆悉是空不應為此而自毀害云何菩薩多修離過患法若自生過尋能除斷見他過患深入捨心云何尋自除患患者於諸佛不生信敬心於法僧所亦不生信敬心於戒不生信敬心於和上阿闍梨時類宿舊有智者邊上中下坐亦不生信敬心自高已身卑下他人於五欲所心樂趣向背捨涅槃我見眾生見壽者見人者見計有虛空起於斷見深著有想起於常見於賢聖所背捨遠離親近凡愚遠離持戒者親近破戒者近惡知識遠離善知識誹謗經法常生不信聞諸深義心生驚畏慳急懶惰於修法所輕而不為意志下劣無有言辯應不疑處返生疑惑

於可疑處而不生疑為五蓋所覆幻惑詭譎睡眠所覆貪著利養世間名稱愛樂種姓恃於居業愛著徒眾遠離正法樂俗談話捨離禪思見善不欣聞惡貪樂而心不肯親近出家但念親近年少婦女童男童女不怖阿練若處食不知量不親近有智師友善人不知誦習經行時節亦不知所應行來往之處於微細戒而作輕心輕於小惡視瞻不端舉動輕躁恒作非法言語麤獷於好惡色心皆貪著好喜瞋恚不修慈心於苦眾生不生憐愍見病苦者亦不厭惡聞死不驚常處熾然不求出要不觀察身不守禁戒不觀己身可作不可作可覺不覺可思不思非道為道道為非道未得謂得若少營福便多封著而心錯亂於大功德終不修行謗毀摩訶衍誹謗聲聞誹謗樂大乖者誹謗樂小乖者亦生誹謗譏呵於戒為戒聞諍為人剛強言常麤惡而自貢高无懷慙色不知羞厭躁惡麤弊言辭不遜好喜綺語常行惡口多諸妄語調

戲无度有如是等過為難此過患法
離一切調戲修習空定多修空故處
處觀察體性空能觀空智此亦是
空作是觀已繫心元相觀内外法不
得身相亦不得繫念相今時不見繫
心於身亦不得身相亦不得外相亦
不得念外相去除外相身相亦除除
斷内相心樂善法修道增廣次第不
斷常念定慧修功德本正觀諸法如
實深義是名為慧善攝亂意歡喜元
悔是名為定何以故淨持戒故菩薩
能淨持戒必成就禪戒具足禪道是
故持戒具足名為修禪善男子具此
十事是名菩薩善修禪法
善男子菩薩復有十法名持修多羅
何等為十為守護法聞則能持不為
財物飲食故持為紹三寶種佛法不
斷不為利養故持為使摩訶衍廣流
布故持不為恭敬利養故持元救眾
生為作救護故持不為名稱讚歎故
持為苦惱眾生使得樂故持為令眾
生得慧眼故持為求聲聞者令得聲
聞道故持為修摩訶衍成就摩訶衍

故持為成一切種智故持不為求下
乘故持善男子具此十事是名為菩
薩持修多羅

善男子菩薩復有十法名為律師何
等為十善解毗尼所起因緣善解毗
尼甚深之處善解毗尼微細之事善
解毗尼此事得彼事不得善解毗尼
性重戒善解毗尼制重戒善解毗尼
制起因緣善解聲聞毗尼善解辟支
佛毗尼善解菩薩毗尼善男子具此
十事是名為菩薩善持律師

善男子菩薩復有十法名善知威儀
善知可行不可行處善知行法善知
威儀舉止何等為十善學聲聞戒善
學辟支佛戒以善學故威儀具足威
儀具足故不可行處終不往彼不應
往方亦不往彼非時不行沙門所行
處行不可行處不行是故威儀具足
沙門婆羅門所讚呵愛亦終不住以
是故沙門婆羅門元讚呵者亦能教
他修行如是威儀禁戒以是義故威
儀具足寂滅威儀元誦誑威儀善男
子具此十事是名菩薩威儀進止所

行具足

善男子菩薩復有十法名除嫉妬何
等為十自行布施亦教他人行布施
讚歎布施法見他布施心生隨喜為
說法要讚歎彼人令使歡喜終不生
念但施於我莫施於彼願一切眾生
皆得施利所須具足皆得快樂得世
間利樂得出世利樂我今勤為眾生
修无上道為欲利益故云何當起嫉
妬之心善男子具此十事是名菩薩
能除嫉妬

善男子菩薩復有十法名為眾生起
平等心何等為十為一切眾生作修
福田緣令一切眾生心无嫌恨不使
一切眾生起於瞋忿為一切眾生故
布施持戒忍辱精進禪定智慧為一
切眾生故發一切種智心為一切眾
生故自滿一切種智心皆不生二想
所作功德與一切眾生共皆共之緣
一切眾生以為境界如是思惟時能
速成就菩薩之法速成就菩薩法故
能觀生死如火熾然自乘此法能出
生死亦使眾生得濟苦海皆起等心

不生增減善男子譬如長者唯有六子其心愛著於諸子中悉皆平等為設方便然諸子等幼小元智不能行來不識善惡其家火起是諸小兒各在異處善男子而此長者寧可作心此子應出彼不應出此子先出彼應後出除蓋障菩薩白佛言不也世尊何以故是長者等心於子元差別故善男子菩薩亦復如是於諸眾生心皆如子愚小元智於生死摩竭然世界是諸子等各處六道菩薩隨應成就皆悉拔濟咸令得出置寂滅處善男子具此十事是名菩薩於一切眾生得平等心

善男子菩薩復有十法名善供養佛何等為十以法供養於佛以報拔濟眾生供養於佛以教化眾生令立諸善供養於佛常與一切眾生利供養於佛不捨願行供養於佛不捨菩薩所行供養於佛言行相應供養於佛心无疲厭供養於佛不捨菩提供養於佛不以財施供養於佛何以故善男子如來法身不待財施供養惟以

法施供養為上以具足供養利益眾生令得安樂常獲善利善男子若不能力益眾生放捨善法所作疲厭好憍妄語忘意下劣心生疲倦離菩提心有如是等不能為諸眾生而作利益何以故菩薩要依眾生修諸功德乃至成阿耨多羅三藐三菩提若元眾生終不能成阿耨多羅三藐三菩提无上正覺為具佛道以法供養為第一不以財施為真供養善男子具此十事是名菩薩能善供養

善男子菩薩復有十法名摧伏憍慢何等為十菩薩或時出家作是思惟父母眷屬已捨出家猶如被棄壞爛死尸云何於中當起憍慢我今剗除驕驕毀形向道節身知足著壞色衣敗先所好修出家法捨俗威儀云何當起憍慢之心剗頭持鉢而行乞食作乞句想不應憍慢當自卑下如旃陀羅子我今乞句由他濟命云何憍慢而自毀傷是故思惟摧伏憍慢我今受乞食法為他所賤人與食時如似捨棄如是思惟云何憍慢我今

於一切眾生恒如和阿闍梨想應加謙敬摧伏憍慢我與諸同學同梵行者善護威儀常念順行不應到於非律儀處當使諸同梵行者見我歡喜如此思惟時摧伏憍慢我未曾得行佛法今得修行於瞋恚惱害眾生中當念忍辱如是思惟時摧伏憍慢善男子具此十事是名菩薩摧伏憍慢

寶雲經卷第五

不寅歲高麗國大藏部監奉
勅彫造

實雲經卷第六

梁扶南三藏房陀羅仙譯

卷六

善男子菩薩復有十法名為信敬何等為十善根深厚宿殖德本得於正見不隨他信不歸依他志性恒正不為虛妄其心質直元有諂曲利根智慧功德具足除諸陰蓋其心清淨常依善知識遠離惡知識摧伏憍慢聞深妙法能善諦受終不顛倒妄解如來甚深法藏威德自在善男子具此十事是名菩薩能多信敬

余時除蓋障菩薩自佛言世尊我今於如來大威德所願說少法令我得聞善男子汝今善聽當為說之如來要法威德少分善哉世尊願為演說佛言如來大慈等與一切眾生樂若於一眾生起慈心時乃至十方眾生亦復如是遍一切眾境界亦滿虛空界无能遍知如來甚深境界邊際如來有大悲心不與聲聞辟支佛共如來於一眾生起於悲心乃至一切眾生亦復如是為作利益如來大悲无

實雲經第六卷

第二卷

七

有邊際非諸二乘所能究竟善男子如來說法不可窮盡能於一時普為十方眾生說法若一劫百千萬億劫尤量阿僧祇劫作如是說一切眾生无有能知如來說法邊際本末假使無量眾生一時問難而如來於一念中各隨其類一音能答然如來辯才无有窮盡如來有無量阿僧祇禪定三昧之所行處善男子假使一切眾生皆得十住各各皆入無量三昧於百千劫中各入異定如是經无量劫猶不能盡知如來三昧境界如來又作无量阿僧祇應身令一切眾生應受化者悉見如來皆現其前於一念頃一一色相皆生信解各有差別如來又復一時皆現其前隨其所應而為說法今諸眾生悉皆受行善男子如來天眼所見境界无量無邊非肉眼所見是天眼境界如來於一念中悉皆見之如觀掌中阿摩勒果如來天耳所聞境界无量無邊如上天眼一切眾生異類音聲隨其大小於一念頃悉分別知如來復有無量無邊

實雲經第六卷

第二卷

七

无尋智慧无與等者不可為譬一切眾生若心念所知隨其根性種種差別如來於一剎那頃悉分別知隨彼眾生各各所念各各所作隨造善惡所得業報如來能以三達無尋智慧於剎那頃悉分別知善男子如來常在禪定何以故如來終無忘念如來諸根无有錯謬如來斷一切結使其心寂靜若雜結使其心散亂離清淨法如來已離一切業習塵垢永盡无漏无為於法自在一切三昧三摩提无量境界已度彼岸如來常在三昧常一威儀乃至涅槃如來於无量百千億劫修集所得无有眾生能思惟分別知其量者除蓋障菩薩自佛言世尊如來不從阿僧祇劫積集功德耶佛言不尔何以故善男子菩薩不能思議如來境界如來境界不可思量但為淺近眾生說三阿僧祇修集所得菩薩而實發心以來不可計數除蓋障菩薩自佛言世尊若眾生久修善根植諸業行除去蓋障多有信解近於阿耨多羅三藐三菩提得聞

如來无量威德聞是法已歡喜信樂
况復受持讀誦書寫供養為人廣說
如是之人不久亦當得大威德堪任法
器佛言如汝所說如是如是如此衆
生為佛所護久種善根親近諸佛聞
佛有大威德善男子善女人而於其
中不生疑惑善男子善女人心不錯
亂不錯亂故思惟如來有大威德深
生殷重信樂之心七日七夜著鮮淨
衣恭敬供養專念如來大功德實心
不移易必得見佛若不滿七日乃至
一日一夜命終之時亦得見佛除蓋
障菩薩白佛言世尊頗有衆生於如
來所說不信受者佛即答言善男子
有或有衆生聞佛所說不肯信受深生
惱害於說法者生惡知識想以是因
緣身壞命終墮於地獄善男子若聞
如來有大威德生世尊想生大師想
如此之人已於前世得聞如來无量
功德以是因緣今復續聞即自思惟
我等先身必曾從佛聞如此法今時
如來即出廣長舌相自覆其面其舌
廣長踰於髮際乃至覆頭覆頭已復

覆其身覆身已覆師子座又覆菩薩
聲聞緣覺護世四天王梵天帝釋遍
覆一切无量無量衆佛還攝舌相告諸
大衆善男子等如是舌相无虛妄耶
善男子若信是事長夜安隱得諸利
樂說是語時八万四千衆生得无生
法忍无量衆生遠塵離垢得法眼淨
无量衆生永發菩提心者皆發阿耨
多羅三藐三菩提心

佛復告除蓋障菩薩言善男子菩薩復
有十法名滿世間善何等為十雖說
於色而於實諦不見有相亦不著色
相受想行識亦復如是雖說於地而
於實諦不見有相亦不著地相水火
風空識亦復如是雖說於眼而於實
諦不見有相亦不著眼相雖說鼻舌
身意法而於實諦不見有相亦不著
意法等相雖說有我而於實諦不見
有相亦不著我相衆生壽者命者丈
夫人而於實諦不見有相亦不取著
但世諦假施設有第一義諦則不可
得亦不取著世諦假施設有第一義
諦无有體相亦不取著世流布巾而

有佛法差別若於實諦亦无佛法善
惡之相但世諦中而有菩提第一義
諦則无菩提亦无取著善男子假施
設法名為世諦終不說世諦為第一
義諦善男子菩薩摩訶薩善於世諦
不名為善於第一義諦善男子具此
十事是名菩薩滿世間善善男子菩
薩復有十法名為善說第一義諦何
等為十成就无生法忍成就滅法成
就不壞法非造作法是究竟法非屢
所法无言語法无調戲法是寂滅法
是賢聖法何以故善男子第一義諦
不生不滅非壞非所作亦非盡非文
字亦非調戲所得善男子第一義諦
非言語道法相寂滅賢聖之所證覺
善男子第一義諦非壞敗相諸佛出
世及不出世法相常亦以是因緣故
菩薩剎除躡駁信家非家出家學道
正信出家身服袈裟著壞色衣精勤
修道如救頭然捨諸虛妄志求實法
善男子若无實法則虛出家諸佛如
來亦虛出世以是因緣有真實法善
男子具此十事是名菩薩善解第一

◇高麗大藏經◇

義諦

寶雲經第六卷

第九卷 華嚴

善男子菩薩復有十法名為善知十二因緣何等為十善知體相空善知剎那法善知不堅法善知如影如水如電善知法如焰如因緣生法此念是空一剎那頃不堅法如是乃至因緣生法此法生亦見生住亦見住異壞亦見異壞菩薩如是思惟以何因緣生以何因緣滅菩薩復更思惟因緣明故能生諸法无明力故諸法得出一切諸法无明為導一切諸法依止无明依無明故能生於行住行故生識識因緣生名色名色因緣生六入六入因緣生觸觸因緣生受受因緣故凡愚衆生於受少分便起染受愛因緣生取取因緣生有有因緣生生因緣有老死丈夫人生死死因緣憂悲苦惱衆苦聚集以是因緣生大苦陰以深智慧懇懃方便當斷无明拔无明根滅於无明無明相應法一切盡滅辟如命根盡時諸根都盡无明盡時依无明法一切悉盡无明滅

故諸煩惱滅煩惱滅故生死因皆滅生死滅故近於涅槃善男子具此十事是名菩薩善知十二因緣
善男子菩薩復有十法名善知我何等為十菩薩作如是觀察我生誰家為是婆羅門家為是刹利家為是長者家為是下賤家菩薩雖生上族家而无憍慢想若生下賤處而作是念我本曾作不善諸業以惡業故今生下賤家以是因緣多修惡多修惡故惡故欲得出家既出家已作是思惟我為何事而求出家夫出家法為自度脫亦度於彼以是因緣不應慙急而自懶墮作是思惟我今出家當何不若若有少惡速疾除斷於諸善法深起愛樂歡喜无厭所未斷惡方便今斷如是復更觀察我等出家云何增廣善法善法增已當倍愛樂深心歡喜善法未增當令增廣我今依怙師僧增廣善法以是因緣於和上所若持戒若破戒若多聞若少聞若聰明若无智愚皆恭敬生世尊想於諸世尊恭敬供養信樂歡喜於和上所

亦復如是於阿闍梨復生恭敬我依阿闍梨故善法增廣善法提分未滿足者當令使滿諸結未斷者當令使斷於阿闍梨復生和上想供養如前受樂歡喜增長右法損減左法如是左法不令增長復更觀察誰是我世尊一切種智是我世尊能一切覺能一切說救濟世間憐愍衆生具大悲心是大福田是我世尊天人之師以是因緣以是相貌應生信敬受樂歡喜又復思惟我得大利遇佛世尊如來制戒我今寧捨身命終不毀犯如來制戒是名善受佛教我今當應從誰受供如我今者當從刹利婆羅門聚落城邑受彼供施令彼果報尊貴富樂我亦不應虛受人供如是刹利婆羅門聚落城邑皆作何想我今思惟有何功德而施飲食刹利婆羅門聚落城邑當念我是沙門作福田想我今應當具滿沙門所行之道比丘功德沙門功德福田淨業宜稱其名我今處生死中當自拔出我今已得出家善利我今初得无上大利我得

出家即是无上大利我今能稱出家之法亦是无上大利我今當勤精進速離慙怠亦疾速出生死灾患善男子菩薩出家常應執念如是思惟善男子具此十事是名菩薩善知於我善男子菩薩復有十法名善知世法何等為十於自高人起卑賤想於憐憫人起恭敬想於諂曲人起質直想於妄語人起真實想於憎惡人起愛樂想於剛強人起柔軟想於不忍人起忍辱想於瞋忿人起慈心想於苦惱人起悲心想於多貪人起施與想善男子具此十事是名菩薩善知世法善男子菩薩復有十法名能生淨佛國土何等為十持戒清淨无闕戒無嫌戒於一切眾生心常平等同其事業具諸功德遠離名聞讚歎利養不染八法深信不疑勤修精進无有懈怠攝心禪定无諸錯乱善修多聞速離无智利根聰慧滅除愚闇於瞋惱眾生恒修慈心除蓋障菩薩白佛言世尊若十事不具能生淨土不佛即答言善男子若能於一事具足无闕

當知十事悉皆清淨以是義故名具十事得生淨土善男子具此十事是名菩薩能生淨佛國土

善男子菩薩復有十法名胎不涂汙何等為十作諸形像如來塔寺若有毀壞嚴飾修治復以諸香泥塗於佛塔如未形像常以香湯洗浴於如未塔塗掃清淨於父母所躬自供養於和上阿闍梨同梵行者心常恭敬供養不為財利以此善根迴與一切眾生願令皆得胎不涂汙心常殷重如是思惟善男子具此十事是名菩薩胎不涂汙

善男子菩薩復有十法名捨家出家何等為十无所受用於可染處終不親近背於五欲除諸愛渴於如來所制禁戒終不毀犯少欲知足衣服飲食床敷卧具趣得支命終不貪積於五欲所常生畏怖恒念默離修集善法善男子具此十事是名菩薩捨家出家

寶雲經卷第六

癸卯歲高麗國大藏都監奉勅彫造

寶雲經卷第七

草

梁扶南三藏身陀羅仙譯

善男子菩薩復有十法名為正命何等為十心不諂曲不外現相貌而求利養不作抑揚顯已異眾不外弊五欲而心求利養不取非法財不取不清淨財不著利養不染利養而常知足於如法利恒生知足云何菩薩心不諂曲不以利養令身口意曲云何不身諂曲菩薩不為見檀越故現諸威儀云何作威儀見檀越時但視徐行如猫伺鼠是名身諂曲云何口諂曲菩薩不為利養作柔軟語作愛語作庠序語隨他所愛語隨他意語如是等語皆忘不作云何意諂曲口說知足而心貪著佛言內燒內熱口言知足心常貪著若不如是名不諂曲云何名不外現相貌菩薩不以見檀越時作諸相貌我衣服短少我鉢器減少湯藥卧具減少菩薩不以見檀越故作如是說云何名不作抑揚方便鼓動菩薩口終不言彼有檀越與我此物

寶雲經卷第七

第三

寶雲經卷第七

第三

寶雲經卷第七

第四

草

為憐愍故受我今持戒清淨具足多聞少欲信心檀越皆樂施給不作此說者是名不作抑揚云何名外弊五欲而心求利養菩薩終不外現苦行作五熱炙身拔鬚自餓如是等苦而要財利於他利養不懷憎嫉亦不熱惱是名不外弊五欲心求利養云何名不取非法利養不輕秤小斗欺誑於他受人財物終不侵欺云何名不取不清淨財若有人施佛法僧物及僧祇物如是之物取為己用乃至博買販賣出息生利而自入已如是等物名非法財菩薩摩訶薩遠離如是等物是名清淨活命菩薩若得利養不生我所想財利歸已亦不生能得想亦不作積聚守護想常念施與沙門婆羅門父母師長眷屬貧窮乞乞恒作是想若須食時當求支命於諸美味心无染著若不得時亦不憂惱亦不生熱不得令彼信心檀越生於不信若得如法利養皆與僧同能如是者佛亦即可諸菩薩眾所不譏呵亦為諸天常隨讚歎同梵行者心无譏嫌

於利養中常生知足得離邪命善男子具此十事是名菩薩清淨活命善男子菩薩復有十法名不疲厭何等為十常為眾生死心无疲厭為眾生死故能受生死於无量苦亦元疲厭為聲聞人教修禪法不生疲厭心不輕賤修行覺法不生疲厭具善提法不生疲厭雖求涅槃而不證涅槃漸深流注至菩提法岸善男子具此十事是名菩薩心不疲厭善男子菩薩復有十法名隨順佛教何等為十不住放逸除諸放逸善攝其身亦不令身起諸過惡善攝其口亦不令口起諸過惡善攝其心亦不使令心起諸過惡畏後世苦而具一切善法修行一切善法而斷一切不善法說一切善法而毀此一切惡法毀此一切惡業修行一切善業於如來法不說其過消滅一切諸垢煩惱守護如來所制聖戒善男子具此十事是名菩薩順如來教善男子菩薩復有十法名和顏悅色離於瞋感何等為十諸根澄淨諸根

清淨諸根不開諸根離垢諸根白淨除於惱害除諸結使得不起結使除離根心遠離瞋恚除蓋障菩薩白佛言世尊如我解佛所說諸根清淨故得和顏悅色和顏悅色故離諸結使離諸結使故得不瞋感佛言善男子如是如是諸根清淨和顏悅色除諸結使離於瞋感善男子具此十事是名菩薩和顏悅色離於瞋感善男子菩薩復有十法名為多聞何等為十見生死熾然如實而知見熾然如實而知見无明闇亂生死熾然如實而知見一切有為法熾然如實而知見一切有為法熾然如實而知見一切有為法熾然如實而知見世間空如實而知一切法无我如實而知一切眾生著於調戲如實而知解一切法從因緣生如實而知寂滅涅槃如實而知但從聞思慧不取口語如是知已為眾生成深發大悲勤加修習具於精進善男子具此十事是名菩薩多聞善男子菩薩復有十法名持正法何等為十法欲壞時有五濁惡起德薄

衆生多住邪道智燈欲滅无有導師能說正法諸大脩多羅雖有深義无能說者亦无讀誦受持之者尔時菩薩見法壞時能受持經藏讀誦讀誦為人開示分別解說其中有人聞已生信心樂歡喜不為財利但欲聽法於說法者生世尊想於所聞法生甘露想作不死想如諸妙藥不惜身命勤求正法聞已修行善男子具此十事是名菩薩善能持法

善男子菩薩復有十法名法王子何等為十以相具嚴身衆好如妙華諸根滿足无有缺減如來所親近法亦能親近如來所行道亦能順行如來所解法亦能順解成熟若惱衆生善修學戒長夜勤行四无量心於如來所止之城亦能住中善男子具此十事是名菩薩法王之子

善男子菩薩復有十法名出過帝釋護世之法何等為十於菩提心无有退轉一切衆魔不能動搖於一切佛所種諸善根能入一切甚深法藏於一切法得平等智於佛法中不從他

信得清淨智不共聲聞辟支佛法住无生忍出過一切護世之法善男子具此十事是名菩薩出過一切帝釋護世之法

善男子菩薩復有十法能知衆生根性内外結使何等為十若體性貪欲如實能知體性瞋恚如實能知體性愚癡如實能知善知煩惱上中下差體性内外如實能知善知善體性如實能知善知堅體性如實能知善知長體性如實能知善知慘惡體性如實能知善知一衆生亦知一切世界衆生體性善男子具此十事是名菩薩善知根性結使内外

善男子菩薩復有十法名成熟衆生何等為十應見佛身得度者即現佛身應見菩薩身得度者即現菩薩身應見緣覺身得度者即現緣覺身應見聲聞身得度者即現聲聞身應見帝釋身得度者即現帝釋身應見魔身得度者即現魔身應見梵王身得度者即現梵王身應見婆羅門身得度者即現婆羅門身應見刹利身

得度者即現刹利身應見長者身得度者即現長者身如是等身隨其所應悉為現之善男子具此十事是名菩薩成熟衆生

善男子菩薩復有十法名善調順何等為十質直柔軟无詭曲心无惱害心无垢汙心常清淨心无麤穢心除瞋恚心除癡惡語多諸忍辱能止諍論善男子具此十事是名菩薩能善調順

善男子菩薩復有十法名安樂共住何等為十正見清淨具足修行具足清淨戒具足諸所行處應出家法起煩惱慶不於中住其心調柔於同梵行者如牛念犢修行平等常樂菩提第一正道唯佛為尊不求餘神善男子具此十事是名菩薩安樂共住

善男子菩薩復有十法名為攝法何等為十以施攝衆生以樂攝衆生无盡施攝衆生利益攝衆生義益攝衆生說法攝衆生化導攝衆生除衰與利攝衆生同飲食攝衆生資命所須悉與共之攝衆生云何施攝衆生常以法

寶雲經第七卷 第八卷

施永濟其苦是名為施云何施樂施
食令安无飢渴想是名施樂云何无
盡施教修禪定遠離散乱是名无盡
施云何利益施教授善法增長信心
是名利益施云何義益施教如實法
深了空相是名義益施云何說法施
依修多羅隨所應聞終不邪說是名
說法施云何化導施說如實法无錯
謬相是名化導施云何名為除義與利
施勤滅惡法安置善法是名除義與利
施云何同飲食施所有飲食悉與
眾共是名同飲食施云何名資命所
須施為馬七珍乃至供身眾具雜物
盡與眾共是名資命所須物施善男
子具此十事法是名菩薩修行攝法
善男子菩薩復有十法名為端正何
等為十寂滅威儀不詐說威儀清淨
威儀人見愛敬威儀如月威儀視不
厭足威儀意所悅樂威儀一切樂見
威儀能使一切歡悅威儀能使一切
信樂威儀善男子具此十事是名菩
薩端正

善男子菩薩復有十法名可依憑何

寶雲經第八卷 第九卷

等為十能擁護眾生使離煩惱能令
眾生出於生死曠野嶮難能使眾生
出生死魔竭能為无救眾生作親友
慶能為煩惱病眾生而作良醫无救
護者能為救護无舍宅者為作舍宅
无歸依者為作歸依无洲渚者為作
洲渚未到者能令作到善男子具此
十事是名菩薩常可依憑

善男子菩薩復有十法名大藥樹何
等為十譬如藥樹名曰善見若有眾
生得樹根者而病除愈有得莖者而
病除愈有得枝者而病除愈有得葉
者而病除愈有得花者而病除愈有
得果者而病除愈有見色者而病除
愈有聞香者而病除愈有得味者而
病除愈有得觸者而病除愈善男子
菩薩摩訶薩亦復如是從初發心為
无量眾生有若干種諸煩惱病有依
捨得活有依戒得活有依忍得活有
依精進得活有依禪定得活有依智
慧得活有見法得活有聞聲得活有
知味得活有同事得活善男子具此
十事是名菩薩如大藥樹

寶雲經第七卷 第八卷

善男子菩薩復有十法名勤修福業
何等為十常於三寶隨力供養於病
者所施給醫藥於飢渴者隨施飲食
見裸寒者施其衣服於和阿闍梨
常恭敬供養信受言教於同梵行者
起迎恭敬禮拜問訊造作園林池井
乃至穀帛施與一切及家奴婢僕使
內外眷屬亦等施之與持戒沙門婆
羅門常念親近往反恭事善男子具
此十事是名菩薩勤修福業

善男子菩薩復有十法名為善能作
化何等為十於一佛國身相不動而
能遍諸佛剎問答諮請於一佛國不
動亦能悉遍一切佛國聽受妙法於
一佛國不動能遍供養十方諸佛於
一佛國不動而能遍諸佛國莊嚴菩
提悉皆滿足於一佛國不動而於一
切佛國初成佛時坐於道場菩提樹
下恭敬供養尊重讚歎於一佛國不
動能以身現一切佛土坐於道場現
成佛道於一佛土不動能現一切佛
土轉於法輪於一佛土不動能現一
切佛土入於涅槃於一佛土不動能

現一切十方佛土應變化者悉現其身菩薩得无作神力於一切十方佛土不作變化想亦不作變化隨諸衆生所應見者悉皆現之今時除蓋障菩薩白佛言世尊云何菩薩能作如是變化復言亦不作變化想亦不作變化善男子汝今諦聽我當說譬辟如日月光照四天下利益世間能於衆生常作利安而日月亦不作想我能照諸衆生有大利益然諸衆生念蒙光照菩薩亦念以本善業捨願因緣得无作法自然成就故能不作變化想亦不作變化然於一切有利益處悉現變化善男子具此十事是名菩薩變化

善男子菩薩復有十法名速疾成阿耨多羅三藐三菩提何等為十修行布施令使布施滿足修行持戒不開戒不譏嫌戒出過聲聞辟支佛戒清淨戒身滿足忍辱滿足精進滿足禪定滿足智慧滿足方便滿足願滿足力滿足智滿足過一切聲聞辟支佛從初地乃至九地菩薩所不能及善

男子具此十事是名菩薩速疾得阿耨多羅三藐三菩提說是經時三千大千世界六種震動此三千大千世界中間諸須彌山王目真隣陀山摩訶目真隣陀山鐵圍山大鐵圍山寶山黑山如是諸山悉皆曲躬向伽耶山何以故如來自在神通力故三千大千世界中一切華樹一切果樹一切香樹皆來曲躬向伽耶山何以故如來自在神通力故无量億那由他百千億諸菩薩悉脫身上妙衣及諸瓔珞供養如來神通力故積過須彌若干種衣服瓔珞无量百千億帝釋護世梵天王等合掌頂礼曷陀羅華摩訶曷陀羅華散諸佛上曷殊沙華摩訶曷殊沙華盧之華摩訶盧之華以散佛上百千萬億諸天在虛空中皆散天衣作衆伎樂歡喜踊躍出大音聲各以天華供養於佛而作是言佛更出世再轉法輪衆生有福宿殖德本於過去佛所久種善根得聞此經聞之尚難况復信解書寫受持今時無量百千摩睺羅伽於此演法出大雷

音遍三千大千世界以種種香汁雨伽耶山无量百千龍王在於佛前作衆伎樂無量百千乾闥婆緊那羅以柔軟音讚歎供養遠伽耶山无量百千夜叉雨諸蓮華放清涼風無量百千他方諸佛皆出自白毫相光供養如來及所說法出自白毫相光作種種色青黃赤白紫頗梨色遠於三千大千世界除一切閻達伽耶山從佛頂没无量百千婆羅門刹利聚落城邑香華瓔珞末香衣服繒蓋幢幡以供養佛說是經時如是等无量供養七十二那由他菩薩得无生法忍无量百千衆生離諸塵垢得法眼淨无量百千億衆生發阿耨多羅三藐三菩提心伽耶山神名為无死與其眷屬皆從坐而起自入宮室取供養具而供養佛供養佛已白佛言世尊我憶往昔共七万二千佛皆在此一伽耶山說是經典文字章句如今不異佛言快得善利汝等得聞如是寶雲經有一天子作如是念是伽耶山神久聞此法供養七万二千佛云何不轉女

身除蓋障菩薩摩訶薩知彼天子心之所念白佛言世尊以何因緣無死天神有大神德聞是法實供養余所諸佛云何不轉女身佛答言善男子為利益衆生故以何因緣為不可思議解脫善男子我憶過去於竿數佛所見是元死天神發阿耨多羅三藐三菩提心無死天神有大威德神通供養賢劫千佛於此國土當得成佛号曰元死阿羅訶三藐三佛陀佛告元死今可現汝所成佛國土今時無死天神即入現一切色三昧現一切色三昧已此三千大千世界地平如掌皆紺琉璃一切微惡諸黑山等悉皆滅沒處處皆見劫鋒之樹衆寶樹衆香樹處處皆見流泉浴池八功德水充滿其中一切惡趣下賤之人悉皆不現國中无有女人之名處處皆有蓮華大如車輪菩薩而在其上結跏趺坐彼無死佛在蓮華上坐為諸菩薩演說法要无量百千億釋梵四天王等圍遶又有无量百千万億衆生悉來供養佛為說法次第諦聽元

死天神從現一切色三昧起頂礼佛足右遶佛已即隱不現除蓋障菩薩摩訶薩白佛言世尊善男子善女人作幾許福得聞是經佛言若人至心善聽此經憶念受持讀誦書寫廣為人說佛言復有善男子善女人於此三千大千世界百千億劫修行布施不如善男子善女人信心清淨書寫供養以清淨心故得福甚多何以故財施微少法施廣大生死衆生於生死中作無量財施未曾得聞出世法施若善男子善女人使三千大千世界衆生皆立十善復有善男子善女人聞此正法次第受持讀誦廣分別說其福亦過於上何以故十善果報生此世界故若善男子善女人能令三千大千世界衆生悉得須陀洹果斯陀含果阿那含果阿羅漢果得辟支佛果設得如是功德猶故不如聞上一句之義次第受持讀誦書寫為人廣說何以故聲聞辟支佛功德皆從此經出故因於此經能出一切菩薩及諸佛出現於世若讀誦此經次

第句義分別解說即是受持一切佛法何以故此經即是一切經母若不得此經諸大勝法皆悉不得此經即是菩薩具戒一切諸聲聞弟子皆從坐而起偏袒右肩合掌白佛言世尊我等於大生死間是經故皆得出離佛言比丘如是如是今時世尊普告大衆善男子善女人若國土方域有是經典文字章句次第當知此處即是道場處即是轉法輪處即是諸佛大塔像處有此經處即是世尊何以故善男子法即是菩提法即是轉法輪善男子此法即是佛供養於法即是供養佛若有說法法師處此處即是佛塔於此法師當生殷重想善知識想作示正道想見是法師應生愛樂信敬歡喜應起遠迎請令就坐應當讚歎善哉善哉快說法要若一劫若減一劫若過一劫讚歎如是讚歎猶不能盡何以故若人好樂法者種種讚歎尊重恭敬猶不能盡所行之處假使有人能以血灑地猶故不名盡心供養何以故如此法師則為受持如

